

LEFELO LEO LE HLAOTŠWEGO KE MODIMO GO MO DIRELA



A re fele re eme bjale lebakanyana ge re obamiša dihlogo tša rena go rapela. Gomme bjale, re sa obamišitše dihlogo tša rena, mme ke tšhepa gore le dipelo tša rena di inamile, le tšona, ke a makala ge eba mo lehono bošego ke ba ba kae bao ba ratago go gopolwa thapelong, mabapi le se sengwe seo se itlhaotšego? O ka no emiša letsogo, la gago, wa, re “Modimo, mphe bošegong bja lehono seo ke se nyakago.” Morena, a le šegofatše.

² Tate wa rena wa Magodimong, bjale ka boikokobetšo ge re batamela Terone ye e kgolo ya mogau, ka tumelo, re fetela ka tša Kathokoyela; mo Modimo, le Mangeloi, le Bakerubi, mme le Makoko a Magodimong ba kopanego mmogo. Ka gobane O rile go ka se be le ge e ka ba lefokotsane leo le ka welago fase Tate wešo Magodimong a sa le tsebe. O tseba ga kaakang mo ge makgolokgolo a batho ba kobile dihlogo tša bona, mme ba bitša Wena ka lebaka la dikgopelo tšeo di itlhaotšego. Tate, lebelela fase bošegong bjo lefaseng leo le hlokago, ka gobane re batho bao ba hlokago.

³ Gomme ke a rapela, Modimo, bjale ka gore re kopane fa gomme re bonagatša tumelo ya rena go Wena go Modimo Yo a phelago a kgonago go araba thapelo; re tšwile makgatheng ga lefase la bao ba sa bolotšwago, pelo le ditsebe, re tšwile go tla go phela bophelo bjo bo itlhaotšego, mme re phele go ipolela tumelo ya rena go Wena. Gomme bošego bjo re emišitše matsogo a rena, mme re re, “Re bahlaki.” Modimo yo a Rategago, araba ye nngwe le ye nngwe ya dikgopelo tša bona.

⁴ Gomme ge go le bjale, Tate, re a rapela gore O tla re etela bošego bjo mo Lentšung. Re tla mo go tla go phošollwa, le go kwišiša, le gore re ka no tseba gore re phele bjang mo letšatšing le; le go lebelela pele seo se tlogo, gore re dire eng. Ka gore, re a tseba Mabowo a Morena a a batamela, go ya ka dika ka moka tšeo baporofeta ba di boleletšego pele. Re batamela nako yeo, Morena, moo go lokollwa mo go feletšego go tla go fiwa bana ba Gago. Modimo, e re rena, bohle, re be fao, Tate. Go hlokwe le o tee yo a tla go lahlegago. Seo ke maikemišetšo a rena go ba fa, Morena. Re a go rata, gomme re leka go beakanyetša iri yeo.

⁵ Bolela le rena, re a kgopela gape, bošego bjo. Gomme fodiša balwetši. Balwetši bohle le bao ba tlaišegago bao ba lego ka mo moagong wo, re kgopela gore O tla ba fodiša, Morena; gomme ga gologolo bao ba na go le dinyakwa tša semoya. Re kgopela gore O phološe meoya ka moka yeo e lahlegile. Tlatša modumedi yo

mongwe le yo mongwe ka Moya wo Mokgethwa. Tsošološa tiišetšo le Maatla ka go bana ba Gago bao ba dumelago. Efa dilo tše, Tate. Re kgopela ga kaalo, ka gobane O ile wa re kgopelang, “kgopelang ka bontšhi, kgopelang dilo tše kgolo, bontšhi bja tšona,” gore lethabo la rena le kgone yo tlatšwa. Tše tšohle re di kgopela mo Leineng la Jesu Kriste. Amene.

Le ka dula fase.

6 Ka nnete ke tšea se go ba tokelwana e kgolo kudu bošegong bjo, go bowa gape mo sefaleng, mo sekolong se se phagameng, go tla go lebana le batho ba ba lokilego bao ba kopanego mo go tla go kwa Ebangedi. Ke kgopela mogau wa Modimo go nthuša gore ke bolele Therešo ka fao ke tsebago Therešo. O sa kgonago ka tswalela molomo wa motho, go swana le ge A ile a tswalela molomo wa tau. Gomme ge eba ke ile ka leka go bolela se sengwe seo se phošetšego mme se le kgahlanong le thato ya Gagwe, thapelo ya ka ye e kgothetšego ke gore O tla tswalela molomo wa ka, gore ke se ke ka bolela seo. Ka gobane, ka nnete, ke rata go ba Legodimong, nna ka bonna; gomme nka se kgone go ba fao, mme, ka ntle ga dilo tšohle, ke tla be ke le moetapele wa maaka, yeo a dirilego se sengwe ka go fošagala. Ge nka e dira, e tla ra gore ga ke tsebe phapano. Morena A le šegofatše.

7 Bjale, bosasa mesong, ge e ka ba thato ya Modimo, ke lebantša go rera ka sehlogo se, *Lenyalo le Tlhalo*. Gomme re holofela gore le tla ba gona, mme le tle le dipentshele tša lena le dipampiri. Ga re tšeye nako ye telele, eupša ke rata fela go... Seo e be e le maikemišetšo a go bowa mo gape, la mathomo, mo Indiana, seo ke le tšephešitšego seo. Gomme ke tla leka, gosasa mesong. Ge nka se kgone go e hwetša gosasa mesong, ke tla dira bosasa bošego. Eupša ke ya go leka bosasa mesong, ge Morena A rata, go bolela ka sehlogo se, dikolo tše pedi tša kgopolo. Gomme eke Modimo a ka re thuša go tseba seo e le go Therešo, go no tseba seo e le go Therešo, gore re kgone go sepela Therešong le mo Seetšeng. Re. . .

8 O a tseba, ke be ke fela ke ba le mogwera wa go tsofala wa lekhalathe. O ile a re go nna, a re, “Ngwanešo Billy,” a re, “Ga—ga ke nyake bothata bofe kua nokeng.” A re, “Ke rata go ba le thekethe ya ka ka seatleng. Gomme ge nakana e lla, ga ke nyake bothata fao. Ke kgopetše Morena, nakong e fitilego ya kgale, ge eba go na le se sengwe seo se fošetšego, ke nyaka go e lokiša thwii go na bjale,” a re, “ka gobane e tla ba leswiswi le ledimo mo mesong yeo ge sekepe se tloga go ya ka lefelong le la.” A re, “Ga ke nyake tsenatseno. Ke rata go ela dilo tlhoko ka moka ga tšona bjale.” Seo ke se re se tletšego fa, go leka go ela hloko ditsenatseno ka moka, gore re kgone go sepela re namele ka iri yeo.

9 Bjale, nka se bolele le lena nako e telele bošego bjo, ka gobane re na le ditirelo tše pedi bosasa. Gomme ke napile ke a thoma, mo gongwe, go ya mo gongwe, ditirelo tše ntšhi.

¹⁰ Eupša, bjale, ka Pukung ya Doiteronomio. Ke rata go bala go tema ya 16, ditemana tše tharo tša mathomo, tša Doiteronomio 16:1 go ya go 3.

Hlokomelang kgwedi ya Abibi, gomme o direle Morena Modimo wa gago: . . . mo kgweding (bone) ya Abibi Morena Modimo wa gago O le ntšitše go tšwa—go tšwa Egepeta e le bošego.

O hlabele Morena Modimo, wa gago paseka, dihuswane le mehlaphe, o le felo leo Morena a tla go go ikgethela go bea leina la gagwe gona.

¹¹ Bjale, sehlogo sa ka lehono se re: *Lefelo leo le hlaotšwego ke Modimo go mo Direla.*

Ge o hlokomela, kgwedi ya A—ba—ba go na le, ra, “Aporele.” Ka kgwedi ya Aporele ke ge ba ntšhwa.

Gomme bjale seo se makatšago ke gore rena bošego bjo, bjale ka badiredi ba Modimo, mo nakong ye re phelago go yona, mme re hwetša diphapano tše ntšhi tša dikelelo tša batho. Gomme ge go no fela go na le dikgopolo tšeo di fapanego ka selo se sengwe, go nale dipotšišo tšeo di fapanego; go swanela go ba le therešo e tee ya karabo go potšišo yeo e botšišitšwego.

Ge ke nyaka go botšiša potsišo, “Ke eng se?”

“Go lokile,” ba tla re, “deseke.”

“Ke ya go dira eng?” O a bona?

¹² Bjale, mola, e mongwe a ka no re, “Ga se deseke. Ke poroto.” Go lokile, ke poroto, eupša le ge go le bjale ke deseke. O a bona, go swanelwa go ba le karabo ya maleba go yona.

Gomme ge nka botšiša potsišo ka sefe goba sefe, go swanelwa goba karabo ya therešo. Go ka no ba se sengwe kgauswi le seo; eupša go swanela go ba therešo, karabo thwii go potšišo efe kapa efe. Ka gona, le ge go le bjalo, potšišo efe kapa efe ye e tšwelelago mo maphelong a rena, moo go swanelwa go ba therešo, karabo ya therešo.

¹³ Gomme bjale, lehono, re a kwa—a kwa e re, batho ba ga bo rena ba bantšhi mo lefaseng le-hono . . .

Bjale ka ge ke le momišinare, ke ile ka tšea maeto a mmalwa go putla lewatle le go dikologa lefase, ke ile ka kopana le mehuta e mentšhi ya bodumedi, go swana le Buddha le Mahumete, le Masikhi, le baJaise, le go feta fao, mo mabodumeding a lefase. Gomme gona mo ga ga borena mo Dinageng tše Kopanego; mme le dinageng tše dingwe di šele, kopane le mehutahuta ye ya dikere tše fapanego, tša go swana le dikereke tša rena tša maina, go thoma ka ya mathomo ya Roma Katoliki ya mathomo, mme go ya go ya Magirika, mme le go tšwela pele, mme le—le metlwae yeo e fapanego, gomme go fologela go . . . le dikere ka moka tša maina mo mengwageng, ya makgolo a senyane le se sengwe a mehuta ya dikere tša maina tša Maporotostante.

Bjale, ye nngwe le ye nngwe ya tšona, ka gona, o kgona go bona dikelelo tša tšona, gomme nka se kgone go di beya molato. E nngwe le ye nngwe ya tšona e re e swere therešo, di na le therešo. Gomme le batho bao e le go maloko a dikere tšeo ba swanelwa ke go dumela seo, ka gobane ba eme fao—le fao ba ya go gona, ke pheletšo ya bona ya go sa Felego, godimo ga thuto yeo e rerwago ya kereke. Gomme ba fapana ga kaakang, go tloga go yo mongwe go ya go yo mongwe, go fihlela e dira makgolo a masome a senyane le go feta a dipotšišo tše di fapanego.

Mola, ge e le makgolo a masome a senyane le se sengwe a dipotšišo tše fapanego, go swanelwa go ba Karabo e tee ye e nepagatšego. Gomme ke rata gore rena bošego bja lehono, o ka re re leka go ya Legodimong, gomme le go kopanetša Morena Jesu wa rena Yo bohle re mo ratago, ke rata go nyaka mo Mangwalong go hwetša seo.

¹⁴ Bjale, ge e le potšišo ya Beibele, ka gona e swanelwa go ba le karabo ya Beibele. Ga ya swanelwa gore e tšwelele go tšwa sehlopeng sa banna, e se go tšwa bodiredi bjo bo itšeng, e se morutiši yo mongwe, goba kereke ye nngwe ya leina. E swanelwa go tšwa thwii mo Lengwalong, mo lefelong la Modimo la bo kopanelo, go direla. Gomme ka nnete, e le Modimo, go na le lefelo la go kopanela mo gongwe, mo A kopanelago.

¹⁵ Bjale, re hwetša mo ka mo go Doiteronomio, mo mathomong, Moše a reta Lengwalo, dilo tšeo a ba boditšego tšona; ka fao a ba ntšitšego ka gona ka letsogo la gagwe le legolo, go tšwa Egepeta, mme mathomo a ba hloma.

Ba be ba bitšwa “batho ba Modimo” go fihlela ge ba etšwa Egepeta, gomme ba ile ba bitšwa “kereke ya Modimo.” Ka gobane, kereke ke phuthego, goba, ka nnete, *kereke* e ra go re “bao ba bidityego”, bao ba bidityego ba tšwa. Gomme ba tšwele Egepeta, gore ba tle ba be kereke.

¹⁶ Bjale Modimo o ba boditše, ge ba...pele ba ka hloma tempele le seo ba bego ba ka se dira, “Ke tla kgetha lefelo la go Ntirela, mme ke tla bea Leina La ka gona.” Gomme leo ke lefelo le nnoši leo Modimo a tla kopanago le yo mongwe le yo mongwe gona, e be e le ka ka kgetho ya Gagwe Yena mong. O Ikgethetše lefelo la Gagwe. Gomme mowe A ikgethetšego lefelo la Gagwe, O bea Leina la Gagwe. Temana ya bobedi mo e re botša gore, “O tla bea Leina La Gagwe mo lefelong leo A le kgethilego gore batho ba Mo direla gona.” Bjale, selo sa gona ke gore, re nyaka go hwetša gore lefelo leo ke mo kae.

¹⁷ Makgatheng ga makgolo a senyane le se sengwe a dikgopolo tšeo di fapanego, e le gore re beile ka thoko ditumelo tša bahetene, gomme re no bolela ka tumelo ya Bokriste. Yeo, ke na le go kwela bahetene, goba ke be nkase kgone go tšwa go ya gona mme ke bolele le bona. Eupša, ba na le phošo. Bokriste ke bodumedi bo nnoši bjo e le go bja nnete, ke Bokriste.

Gomme ke bolela seo thwii ka lebaka la gore ke le Mokriste; ka gobane, ke dumela gore ke Therešo. Ke bodumedi bo nnoši bjo bo lokilego.

¹⁸ Ke ile ka ba gona lebitleng mowe pere e tšhweu e fetolwago ka morago ga iri ye nngwe le ye nngwe ya bone. Kae, Mahomete, mopirisita ye mogolo le—le moetapele thwii ka morago ga Kriste, o be a swanetšwe go ba moporofeta, mme, ga ke dikadike eupša seo e le go sona, thwii ka morago ga masogana a Maccabee. Eupša ge ba... O ile a hwa. O ile a ipeela gore o tla tsoga gape gomme O tla fenya lefase ka moka. Bjale, ka morago ga diiri tšeo e ka bago tše nne ba hlatlolanya baleti, gomme ba ba le pere e tšhweu mo lebitleng la gagwe. Ba bile, mengwaga ye e ka ba go dikete tše pedi, ba letile gore o tla tsoga gape mme a fenya lefase. Eupša o a bona...

¹⁹ Gomme o ya go Buddha; Buddha o phetše e makgolokgolo, yeo e ka ba go makgolo a masomepedi tharo ye e fitilego, modingwana wa—wa Japane. Gomme e be e le mofilosofa, se sengwe sa go swana le Confucius, mme le go tšwela pele.

Eupša tše tšohle tše, go... bathomi, mme le go tšwela pele, bohle ba hwile le difilosofi tša bona, mme tša bolokwa mme mo lebitleng.

Eupša Bokriste, bjoo bo thomilwego ke Jesu Kriste, go na le lebitla leo le se na go selo. E ile ya ba Monna a nnoši yeo a ilego a ema mo lefaseng, mme a phela gomme a re, “Ke na le maatla a go bea bophelo Bjaka fase mme le go bo tsoša gape.” Gomme O ile a dira seo. Gomme O a phela lehono.

Gomme re a tseba O a phela, ka gobane O na le rena mme A Itlhatsela ka dika tšeo di bonwago ka mahlo le dimaka, seo O ile a tshepiša gore O tla se dira go se bonagatša. *Ka mowe go kgonegago*, bjale ka Pilare ya Mollo yeo e ile ya hlahla bana ba Israele go putla lešoka, e na le rena lehono, le diswantšho tša Yona di ile tša tšewa; e dira dika le dimaka tšeo A tshepišitšego gore E tla di dira mo letšatši le, ge re bona Mantšu ka moka ao A a tshepišitšego a phethagala mo letšatši le. Ka fao, lefase ka moka la bohetene le tšwile. Ke BoKriste!

²⁰ Bjale, ge go na le makgolo a masome a senyane le go feta a dipotšišo ka fao Modimo a swanelwa go kopanyetšwa, “O kopana le Mametotisi, goba O kopana le Mapapatisi, mme O kopana ka go *se*, le *sela*, le *tše dingwe*.” Bjale, go na le potšišo mowe, ka gona yo mongwe le yo mongwe o swanelwa ke go nyaka phološo ya gagwe ka letšhogo le go thothomela.

Eupša bošegong bjo ke rata go leka go hwetša, le go netefatša ka Mangwalo, lefelo la nnete moo Modimo a kopanago le go direla le batho. Gomme, ge e ba ke lona, ke lefelo le nnoši moo A kago go kopanela.

21 Bjale, re tšere tema ye go tšwa go Doitoronomio. Ke lentšu la Segirika leo le na go le tlhaloso yeo e rago dilo tše ntšhi, goba, e ra gore, “Melao ye mebedi.” Lentšu la Segirika, *Doiteronomi*, le ra gore “melao ye mebedi yeo e fapanego.”

Gomme seo ke se Modimo a nago le sona, melao ye mebedi yeo farologanego. Gomme o mongwe wa yona ke molao wa lehu, mme o mongwe ke molao wa Bophelo. Modimo O na le melao ye mebedi. Go Mo latela, mme le go Mo mohlankela le go Mo direla ke Bophelo; go E gana ke lehu. Go na le melao ye mebedi go Modimo.

22 Bjale, wo mongwe wa melao yeo o ile wa lemogw-...O dirilwe go lemogwa ke lefase, kua Thabeng ya Senai. Modimo o file molao go Moše le Isiraele. E se gore molao o tla kgona go ba thuša, eupša molao o šupa fela kua go bona gore e be e le badiradibe. Go fihlela nakong yeo, ba be ba sa tsebe seo sebe e le go sona, go fihlela ge ba e ba le molao. Mowe go ka se be le molao ntle le kotlo. Molao ga se molao, ntle le kotlo. Ka gona, ge go le bjale, “Go tshela, molao ke sebe, gomme moputso wa sebe ke lehu.” Ka gona, ge go le bjalo, go fihlela ge Modimo a ba diretše molao, go be go sena go sela molao mo go ilego gwa ba balelwa.

Ge go se na molao mo woo o rego o seke wa kitima go feta dimaele tše masomepedi ka iri, ka gona o ka no kitima dimaele tša go feta masomepedi ka iri. Eupša ge go na le molao woo o re go o ka se ke wa dira seo, ka fao go nale molao le kotlo ka morago ga wona.

23 Bjale, lehu, molao wa lehu, e be ele ditaelo tšeo di filwego kua Thabeng ya Sinai, tše o di boditšego motho gore e be e le modiradibe. Gomme, go tshela molao wa Modimo, o hwile. Eupša ga go na phološo mo molaong. Ke...e be e no ba lepodisa leo le bego le kgona go ka go lahlela kgolegong; ga o na selo seo o ka go ntšhago ka sona.

Eupša O ile a fa molao o mongwe, ke kua Thabeng ya Khalibari, moo sebe se ilego sa balelwa mo go Jesu Kriste, gomme mowe kotlo e ile ya lefelwa. Gomme e se ka...Ntle le molao, “eupša ka kgaugelo le phološitšwe,” ka mogau wa Modimo, ka kgethelopele le ponelopele yeo Modimo a le dirilego ka yona.

24 Bjale re bona melao ye mebedi ye, Doiteronomi, e bolela ka melao ye mebedi. Go be go na le melao ye mebedi. O mongwe e be e le molao wa lehu, gomme o mongwe e be e le molao wa Bophelo.

25 Gobe go na le gape dikgwerano tše pedi tšeo di filwego batho. Re ya go bolela ka tšona mo mesong.

Ye nngwe ya tšona e ile ya fiwa Adamo ka lebaka, “ge o dira *se* mme o sa dire *sela*,” eupša molao woo o ile wa robjwa. Adamo, Efa o ile a o roba woo, kua tšhemong ya Edene.

Ka fao Modimo a dira kgwerano ya bobedi, mme a e neela go Abrahamama, gomme molao woo o be o se na lebaka. “Ga se ka seo o se dirilego goba seo o tla go se dira,” O rile, “Ke šetše ke se dirile.” Seo ke mogau. Seo ke molao wa Bophelo. Modimo O dirile seo go Abrahamama le go Peu ya gagwe ka morago ga gagwe, tšeo, tšohle ke tša Abrahamama le Peu ga gagwe.

Bjale ka ge Beibele e rile, “Isiraele ka moka e tla phološwa,” eupša seo ga se re Bajuda. Bjale ka Paulo a boletše, “Seo ke Isiraele wa ka gare, goba Isiraele wa ka ntle.” “Ka ntle,” ge re ile ra bolela bošego bjo bongwe, e be e le bana ba Isaka, ka thobalano. Eupša molao wa Modimo o be o le ka Kriste, e bego e le Peu ya Abrahamama ya Bogoši, yeo, “ka kgaogelo Isiraele ka moka e phološitšwe.” Seo ke, “Tšohle tšeo di le go mo go Kriste di phološitšwe,” tšohle, kgwerano ya Modimo ya bobedi. Eupša tše tšohle e be e le morithi wa Kriste.

²⁶ Bjale ela hloko temana ya bobedi. Temana ya bobedi mo go Doiteronomio 16, “Direla mo lefelong leo ke le kgethile.” Bjale le swanelwa go direla Modimo, O rile, “Mo lefelong leo ke le kgethilego;” e se go leo ye mongwe a le kgethilego, eupša “leo ke le kgethilego.”

Bjale, ge Modimo a kgethile lefelo, e tšea go rena ka fao go hwetša seo A se boletšego ka lona. Gomme le kae? Ke rata go le hwetša, ka gobane, ka nnete, ke rata go Mo direla.

Re mo bohle, bošegong bja lehono, go Mo direla. Re dutše fa ba bohle bošegong bjo, bjale ka Metotisiti, Papatisi, Katoliki, Hlatse ya Jehova, Modumedi wa tša Mahlale, mme le bohle, eupša bohle re nyaka se sengwe.

Re rata go tseba Therešo. Beibele e rile, “Le tla tseba Therešo, gomme Therešo e tla le lokolla.”

E mongwe, o ka se tsebe gore o dira eng, ga o tsebe go e dira go fihlela ge o tseba go e dira; ga o tsebe gore o tla dira eng go fihlela ge o tseba gore e dirwa bjang, ka fao. O swanelwa ke go tseba gore o dira eng le gore e dirwa bjang.

²⁷ Se se re laetša ka fao Modimo a na go le lefelo la go kopanela la batho ba Gagwe, mo lefelo le tee le le itšego. Ka mo lefelong leo, fela, Modimo O kopana le badiredi ba Gagwe.

²⁸ Bjale, gape, lefelo leo A le hlaoletšego badiredi ba Gagwe, O beile phatlalatša gore O tla bea Leina la Gagwe. Bjale a re nyakišišeng gomme re hwetše, ka Mangwalo, moo lefelo leo le lego gona. Ka nnete, ge Modimo a re O tla bea Leina la Gagwe mo lefelong leo A le kgethilego go kopana le batho mme a direle le bona...goba bona ba direle Yena, ka tshwanelo, seo se mo gongwe mo Beibeleng, ka gore e be e le ya mengwaga ka moka.

²⁹ Gomme Modimo Yo mogolo yeo a sa fetogoga a ka se kgone go fetoga. Motho o a fetoga. Eupša o ka bea bophelo bja gago, godimo ga sefe goba sefe seo Modimo a ilego a se bolela nakong

efe, ka gobane ke Therešo. Ke Therešo. Ka gobane, seo ke selo se nnoši seo ke na go le kholofelo go sona, ke Beibele. Ka gobane, mantšu a motho a tla palelwa, eupša Modimo o ka godimo ga tšohle.

Ngwaga wo ke swanetše go tseba go feta tšeo ke di tsebilego ngwaga wa go feta. Le wena o swanela go dira, bjalo, letšatši ka letšatši. Re bao ba felelago, ka gona re oketša tsebo.

Eupša Modimo ke yo a sa felego. Ke wa go sa felego. Gomme, ge e le wa go sa felego, A ka se kgona go oketša tsebo. O phethagetše, go tloga mathomong. Diphetho ka moka di swanelwa ke go ba tše lokilego.

³⁰ Gomme ka tsela yeo Modimo a dirile ka gona nakong ye nngwe, O swanetše go dula A dira ka wona mokgwa woo, goba O ile a se dire gabotse ge A dira ge A thoma. Ge e ba motho o kile a tla go Modimo go hwetša phološa, godimo ga motheo wa gore O ile a mo amogela go yena, e swanelwa ke go amogelwa ka wona mokgwa woo dinakong tšohle. Seo ke nnete Ge e ba motho o kile a tla go Modimo mo phodišo ye Kgethwa, gomme Modimo a mo amogela godimo ga motheo wo o itšeng; motho ye mongwe a latela, O swanelwa ke go mo amogela ka yona tsela yeo, goba, O dirile phošo ge A amogela motho wa mathomo. Modimo O dira boemo bjoo A amogelago motho go bjona. O dira boemo bjoo A tla bo diragatšago, O tla bo dira ka mokgwa mang, gobane seo e be e le ka madi ao a gafilwego a kwana kua tšhemong ya Edene. Modimo ga se nka, nakong efe, a e fetola.

³¹ O ile A tšea sepheto ka fao a tla phološago motho. Re lekile lehono go ruta motho ka go yona; re lekile go ba tsenya sekolo, re lekile go ba ruta, re lekile go ba dira kereke ya leina, lekile go dira dilo tše tšohle; go ba tliša ka gare, re ba šikinyetše ka gare, re ba kolobeletše ka mo, tsela efe kapa efe yeo e le go gona, re ba tliše ka mangwalo. Eupša e no šala, e swana, Modimo O kopana le motho ka fase ga Madi a tšholotšwego a Kwana. Madi e be e le tsela ya Modimo go tloga mathomong, mme Madi ke tsela ya Modimo bošego bja lehono. Ke mo go botse go dira gore re ikotle mme le dilo tše tšohle, eupša topollo e tla ka Madi fela. Madi ke tsela e nnoši yeo Modimo A e hlaotšego, mme A ka se kgone go e fetola.

³² Jobo o bile le se swanago le seo. O be a tseba gore e be e le motho ye a lokilego, ka gobane o be a neetše ka—ka sehlabelo seo Modimo a go se nyaka go yena.

³³ Bjale, a re nyakišišeng bjale gore re bone gore lefelo le ke kae, mme le felo leo A beilego Leina la Gagwe. Re ya go swanelwa go hwetša moo A beilego Leina la Gagwe. Ka gona, ge re hweditše gore Leina la Modimo ke eng mme le gore O le beile kae, ka fao re tla hwetša lefelo la go direla ka pele ge re se na go le hwetša.

Dilo tše ka moka, le ge go le bjalo, e be e le merithi ya tše di tlogo. Molao ka moka e be e le morithi wa tše di tlogo.

³⁴ Go no swana le, ngwedi ke morithi wa letšatši. O direla ge letšatši le se gona, go no swana le Kereke e šoma legatong la M-o-r-w-a wa Modimo. Legatong la Morwa, Seetšana se sennyane, ke Kereke, badumedi, ba direla Modimo mme ba fa Seetša legatong la Morwa. Eupša ge letšatši le hlaba, ga o sa kgona go bona ngwedi gape, ka gobane o diketše. Ga o sa nyaka seetša sa wona gape, ka gobane o hwetša seetša sa wona tlhatlamong, go tšwa go letšatši. Bjale, go swana le monna le mosadi, letšatši le ngwedi ke, Kereke le Kriste.

³⁵ Bjale re hwetša, se, dilo tše e le morithi wa go tla ga Kriste. Boikgafo bjofe, moletlo, le se sengwe le se sengwe ka Tastamente e Tala, e be le morithi wa Kriste; bjale ka ge morithi o putla mo go phatša lebato. Bjale mo ke mo re ya go hwetša lefelo leo le nepagetšego la go direla, ke go boela morago mo go Tastamente e Tala mo e ilego ya fiwa mme re bone gore dilo tše di be di le bjang.

³⁶ Bjale, ge morithi o tšwelela go putla lebato, a kgona go boela ge e ba ke monna goba mosadi, goba phoofolo, goba selo sefe kapa sefe, ka gobane se bonagatša morithi wa sona mo godimo ga lebato. Gomme ge morithi wo o kopafala, morithi e le neketifi; gomme go ka se be le neketifi go sena positifi. Ka fao, ge positifi e batamela neketifi, neketifi e metšwa ke positifi. Morithi mme le—mme le positifi e bonala gammogo, gomme seo ke se se e dirago go ba positifi.

Gomme ge “dilo ka moka tša kgale” tše Beibele e di boletšego, “ka go Testamente ye Tala, e be e le merithi ya dilo tšeo di tlogo,” gona ka fao Kriste e be e le morithi wa dilo tšeo di tla go.

³⁷ Fao re kgona go bona, ka go swantšha ka Testamente e Tala, mo A ile go A kgetha go beya Leina la Gagwe gomme le. . . ga bjale. Bjale, ge morithi e le, tša go putla lebato, ke rile, ke neketifi, e le go swantšha. Ka gona rena, badiredi, gape re kgona go bona merithi ya Testamente e Tala e sobelela ka go positifi ya ye Mpsha.

³⁸ Bjale, menyanya ka moka, le maikhutšo, le taberenakele ka moka, le dikota ka moka, tšohle ka mo tabaranakeleng tšohle di swantšha Kriste. Dihlabelo tšohle, melao yohle, tšohle di be swantšha Kriste. Re ile ra e putla, nako ka morago ga nako, gona mo tabaranakeleng.

Ka gona re a bona, ka tše, gore thuto ka moka, kereke, le kereke ya leina e tlogetšwe kgole kua morago. E no se be gona mo phenkgišanong, le ga tee. Thuto ka moka, kereke ka moka, kereke ya leina ka moka, e tlogetšwe ka ntle sa ruri. Lefelo la tšona ga le gona le ga tee.

³⁹ Ga go selo seo se swantšhitšwego ka go Tastamente e Tala, goba mo gongwe mo Beibeleng, sa kereke, eupša kopano ya kgapeletšo ya tora ya Babele. Seo ke sona se nnoši seo se swantšhago kopano. Ka gobane, e be e le ka Nimrode, monna yo

mobe yeo a ilego a tšwa mme a gapeletša dinagana, ka moka tše nnyane ka moka go tla lefelong le tee mme se ke tora ya gagwe e kgolo. E be e le bodiredi bja sedumedi, go bjalo, eupša bo se bja elwa hloko ka mo Lentšu la Modimo. Ka gona ke mowe o bonago bodumedi bja dikereke tša maina bo bonagatšwa, tora ya Bebele, mo go Tastamente e Tala. Yeo, bodumedi bjo ka nnete e be e le bodumedi, eupša e sego bodumedi bja Lentšu la Modimo.

⁴⁰ Modimo ga se a kgetha go bea Leina la Gagwe ka go kereke efe kapa efe ya leina. Ke nyaka Lengwalo la seo, ge e ba le gona, ke a tseba ba gapeletša gore O dirile, eupša ga se A dira bjalo. A ka se kgone go bea Leina la Gagwe mo mafelong a mantši, ka baka la gore O rile O bea Leina la Gagwe lefelong le tee. Gomme, lona lefelo leo, ye nngwe le ye nngwe ya dikereke tša rena tša maina ba rata gore ke bona lefelo leo, eupša e kgahlanong le seo.

Eupša naa Leina la Gagwe O le beile kae?

⁴¹ Bjale, gomme, Yena, Leina la Gagwe ke mang, sa mathomo? Re swanelwa go (Leina) re hwetše gore Leina la Modimo ke mang pele ga ge re ka hwetša gore ke eng seo A se beyago mo lefelong.

Bjale, re hwetša gore O na le dithaetlele tše ntši. O bitšwa gore . . . O be a bitšwa “Tate,” seo e le go thaetlele. Gomme O ile a bitšwa “Morwa,” seo e le go thaetlele. O ile a bitšwa “Moya wo Mokgethwa,” seo e le go thaetlele. O ile a bitšwa “Letšoba la Sharone,” seo e le go thaetlele. “Lily of the Valley,” ke thaetlele, “Naledi ya Meso.” “Jehovah Jaera, Jehovah Rapha,” tše šupa tše fapanego, mainagokwa, maina a phološo, gomme ohle e be e le dithaetlele. Ga go le le tee la wona leo e lego leinaina.

Eupša O na le Leina.

⁴² Ge a kopana le Moshe, O be a se A tšo ba le Leina, gomme A botša Moshe a re, “KE YO A LEGO GONA.” Gomme ge re bona Jesu mo lefaseng, a bolela mo go Baheberu tema ya boselela 6. . . Ke kgopela tshwarelo, Mokgethwa Johanne tema ya boselela 6. O rile, “KE YO A LEGO GONA.”

Ba rile, “Ke ka go reng, O le Motho yo a sa fetego masomehlano a mengwaga ka bogolo, mme O re O ‘bone Abrahama?’”

⁴³ O rile, “Pele Abrahama a e ba gona, KE GONA.” Gomme “KE GONA” a e be e le Yena, sethokgweng se se swago, Pilare ya Mollo yeo e bego e le sethokgweng se se swago morago kua nakong ya Moshe, “KE NNA YO A LEGO GONA.”

⁴⁴ Gomme bjale re hwetša gore Jesu o rile, gape, “Ke tšile mo Leineng la Tate, mme ga le Nkamogele.” Ka gona, Leina la Tate e swanelwa go ba Jesu. Seo ke therešo. Leina la Tate ke Jesu, ka gobane Jesu O boletše bjalo. “Ke rwele Leina la Tate. Ke tla ka Leina la Tate, mme ga le Nkamogele.” Ka gona, Leina la Gagwe e bile Jesu.

Gomme Gabriele O mmiditše Jesu, le baporofeta ba Mmiditše Jesu, mme E be e le Jesu ka go felelela. Pele ga tswalo ya Gagwe, le moporofeta yo mokgethwa O biditše Leina la Gagwe *Emanuele*, ke gore, “Modimo o na le rena.” Ka gona, “Modimo O bonagaditšwe nameng, gore a tle a tloše sebe sa lefase.” Gomme, ka go dira bjalo, O ile a fiwa Leina la Jesu. Ka fao, Jesu ke Leina.

Gomme Leina le ile la bewa ka go Motho; e se go kereke, e se go kereke ya leina, e se go molaotseo wa thutotaelo, eupša Motho! O ile a kgetha go bea Leina la Gagwe ka go Jesu Kriste. Bjale re hwetša gore ka gona O tla go ba lefelo la Modimo la go direla, mowe le Mo rapelago ntshe.

⁴⁵ Kua morago pele A belegwa, Leina la Gagwe o be a bitšwa Jesu. E be e le le bohlokwa kudu, le ile la neelwa mmagwe ke Morongwa Gabariele, gore Leina la Gagwe O tla bitšwa “Jesu, Morwa wa Modimo,” seo A bego a le sona.

⁴⁶ šeo re na le yona, ka gona. Ye ke yona e nnoši. Ke yona, ya gagwe A nnoši, Lefelo la Modimo leo le hlaotšwego la go direla. Lefelo la Modimo, hlaotšwe. Modimo O hlaotše go kopana le motho; e be e se ka kerekeng, e se go ka kerekeng ya leina, e sego molaong wa kereke, eupša mo go Kriste. Leo ke lefelo le nnoši leo Modimo A tla kopanago le motho, mme a kgone go direla Modimo, ke ka go Kriste. Ke lona lefelo le nnoši. Go sa kgathalege gore O le Methodisti, Lepapatisi, Lekatoliki, Leporotastente, sefe goba sefe seo o ka bago sona, ke lefelo le tee leo o ka direlago Modimo ka nnete, ke mo go Kriste.

Baroma 8:1, e re, “Bjale gomme ga go sa na go lahlwa go ba e lego ba Jesu Kriste, bao ba lahlilego tsela ya nama, ba upša ba ya ka ya Moya.” Yeo ke Ebangedi.

⁴⁷ Re ka fapana godimo ga melao. Re ka fapana godimo ga metheo yeo e dirilwe ke motho. O ka ya kerekeng ya Metodisiti, o swanelwa go ba Lemedotisiti; Lepapatisi, Lepapatisi; Lekatoliki, Lekatoliki. Eupša ga tee ge o kolobetšwa ka mo go Kriste, mme o be moleloko la Mmele wa Gagwe, ga go sa na diphapano. Maboto a mo gare a go aroganya a thubilwe mme o lokolotšwe, ka gobane O mo go Kriste Jesu. Gomme o direla Modimo ka Moya le ka Therešo ge o le mo go Kriste Jesu. Ke polane ya Modimo gore wena o direle Yena mo go Kriste Jesu.

⁴⁸ Bjale, ga go na kereke ya leina yeo e ka re go e na le maatla go se, ga go na yo o tee yeo a re go se ke sa gagwe. Ke wena mang yo A ka re go o na le maatla go se? Go dira selo sa go swana le seo e tla ba moya wa molwale-kriste, e tla be e tlošitšwe go Kriste; go tšea go Yena. O ka se kgone go dira seo. Kriste ke lefelo le nnoši leo Modimo A kopanago le badiredi.

⁴⁹ Ba re, lehono. Ke na le batho gore ba mpotše. Monna o ile a mpitša e sego kgale, mo Beaumont, Texas. A re, “Morena Branham, ge leina la gago le se ka pukung ya kereke ya rena, o ka se ye Legodimo.” A o kile wa nagana ka seo le ga tee? O

seke wa dumela selo sa go swana le seo. Ba nagana gore o swanelwa go ba moleloko wa kereke, yeo ye itšeng goba o ka se kgone go ya Legodimong. Seo ke phošo. Go dumela seo, ke molwale-kriste. Ke tla bolela se: Ge o dumela moya woo, o timetše. Seo ke seka se sebotse sa gore o timetše, ka gobane se tšea go tšwa go seo Modimo A se dirile. Modimo ga se nka a bea Leina la Gagwe go kereke ye itšeng. O le beile ka go Morwa wa Gagwe, Kriste Jesu, ge Yena le morwa wa Gagwe ba e ba setee. Seo ke lefelo la setlogo la go direla. Ga go na metheo ye mengwe yeo e beilwego, ga go leswika le lengwe.

Go Kriste, Leswika leo le tiilego, ke a ema;
Mafelo ka moka ke kwenamohlaba.

Dikereke tša maina di tla kgothoga mme di we, ditšhaba di tla feta, eupša O tla fela A eme ka go sa felego. Ga go lefelo le lengwe leo motho a tla le hwetšago, go direla Modimo, mowe Modimo A tla boledišano le yena, ga go lefelo eupša mo go Kriste Jesu. Leo ke lefelo le nnoši, lefelo le nnoši le Modimo A le hlaotšego go be Leina la Gagwe, mme lefelo le nnoši mowe A kopanago le motho, go direla. O lahlegile, go dumela se sengwe le se sengwe mo gongwe.

⁵⁰ Hlokomela menyanya ka moka ye e šupago ya ba Juda e be beilwe mo lefelong le tee. Ga se nka ba beya monyanya *mo* go ba wa Metotisiti, mme wo mongwe ka kua *mo* go ba wa Papatisi, o mongwe *mola* wa Maperesepitane, o mongwe *mola* morago wa Katoloki, mme o mongwe wa Maprotostante. Menyanya ka moka ye e šupago e be e beilwe lefelong le tee.

⁵¹ Mo ke tshwantšho ye botse. Re sa tšwa go tšhwelela ka kua ga Mabaka a šupago a Kereke, re laetša gore Modimo O kgona go boloka, Makga ao a šupago a Kereke mo Lentšung, lebaka le lengwe le lengwe la kereke le tšweletša sekgao se sengwe sa Lentšu, gomme nako ye nngwe le ye nngwe ge a se tšweletša mme ba bona Seetša.

Go no swana le batho bao ba go hwetša la mathomo go kolobetša ka Leina la Jesu. Naa ba dirile eng? Ba ile ba dira kereke ya leina go tšwa go yona, mme e ile ya hwa gona fao. Ka fao Modimo a tšwa go yona le semetseng mme a tsena go ye mongwe. A ka se kgone go dula ka mo go ye mengwe ya melawana yeo le melao. Ga a na seo a ka se dirago ka yona. Ga gona seo se senyegile ka Modimo. Lentšu la Modimo le hlatswegile, ga la tšhilafala. Kriste ke bogare bja tirelo ya Modimo. Ke Modimo.

⁵² Menyanya ka moka ye e šupago e swanelwa go dirilwa ka mo lefelong le tee. O be o ka se kgone go swanela monyanya o mongwe lefelong le šele. . . Eupša yona ye šupago, lefelo. . . menyanya ye e šupago ya ngwaga e swanelwa go swarwa lefelong le tee. Ka fao, Mabaka a šupago a Kereke a be a swanelwa go tšwa lefelong le tee, e be e le Kriste a bolela mo Mabakeng ka moka a a šupago a Kereke. Seo e no ba nnete thwii. Se swantšho sa Mabaka a šupago a Kereke, eupša ba ile ba dira dikereke tša maina go tšwa go yona.

⁵³ Bjale a re lebelele go seswantšho se sengwe re sa le gona mo, seo ke, seswantšho sa paseka, morithi wa Jesu. Re lemoga mo sehlabelo sa madi, ka lehu. Sehlabelo sa madi e be e le lefelo leo e le go morithi wa Kriste. A kereke ya leina e ka tšwa madi; o ka nagana ka kereke e e tšwa madi, go tšwa ga madi ga kereke ya leina? Ka kgonthe aowa. Go tšere madi, go tšwa bophelong. Gomme, bophelo, mo Jesu o tšwelela ponagalong ka kwana. Kwana e be e le seswantšho sa Kriste, mme e le morithi wa Kriste, ka gobane E be e le “Kwana ya Modimo” yeo Johane a e tsebišitšego “yeo e tlošago sebe sa lefase.” Re bona Jesu a tšwelela ponagalong, mo go Ekesoda tema ya lesomepedi 12.

⁵⁴ Hlokomela, e be e le lefelo le nnoši mo lehu le bego le sa kgone go itiya. Ge lehu le be le swanetše go itiya naga, mowe go be go swanetše go ba lefelo le le itšego; tšohle go tšwa ka fase ga le di hwile, Lefelo le tee le nnoši! Bjale, ga se nka e ra go re e be e le ngwako o tee; eupša go be go na le lefelo le tee, ke fao kwana e bego e hlabetšwe. Mowe madi a kwana a bego a le gona, lengeloi la lehu le be le sa kgone go itiya, ka gobane e be e le lefelo le nnoši leo Modimo a beilego Leina la Gagwe. Gomme kwana yeo e ile ya reelwa leina morago kua mathomong, kwana. Hlokomela, e be e le lefelo le nnoši leo a bego a ka seke a le itiya.

⁵⁵ Gomme bjale sa go swana le seo ke lehono. Go na le lefelo le tee le nnoši leo le ka se itiwego ke lehu la semoya, seo ke Lentšu. Lehu ga le kgone go itiya Lentšu, ka gobane ke Lentšu leo le phelago la Modimo.

Eupša ge o bea melawana le Lona, Lentšu le a tšwa go ya go Lona Mong. Le tla arogana bjalo ka meetse go tšwa go oli. O ka se kgone go di hlakantšha. Ka gona, O a bona, ge molawana o e tla ka kerekeng ya leina, ka moka ba latela molawana, mme Lentšu le a hwa, mme le tšhwelapele le yo monngwe mo gongwe mme le a Ikoketša. Le oketša maatla, ge Le tloga go tokafatšo, tlhwekišo, kolobetšo ya Moya wo Mokgethwa, mme le go tšwa go tsena go Thoro! A o bona tsela yeo Modimo a e sepetšego? Go tliša Leina la Gagwe, dinako ka moka, go latela tsela ka moka go swana, ka gobane Ke Lentšu.

Hlokomela, Le ka se hwe. Lentšu la Bophelo le ka se hwe.

⁵⁶ Hlokomela ka fao e phethagatšego, bjale. Lengoloi la lehu le be le se la thibelwa go itiya Egepeta batho ba bohlale bjo bogolo batho ba ba sito ba do Egepeta. Yona y le se la thibelwa go itiya naga ya bona e kgethwa, le meago e megolo, le bofarao ba yona. Goba, bapisirita ba naga, lengeloi le be le sa ganetšwe go itiya. Yone y le ka kgona go itiya moago ofe kapa ofe, mo gohle, le mang kepa mang, eupša le be le ka se kgone go itiya mowe kwana e bego e le gona.

Lehu le ka se kgone go itiya mo lefelo le le filwego la Modimo le lego gona, mme seo ke ka go Kwana.

⁵⁷ Hlokomela, go be go se na le ge e ka ba . . . o ganeditšwe go itiya Isiraele goba bapirisita ba Baheberu, gomme, goba se sengwe sa dikereke tša bona tša maina. Tšohle di swanelwa go ba kgethong ya Modimo, lefelo leo le filwego, goba lehu le a itiya.

⁵⁸ Kereke, moo o ka bego o le gona, moo O le go moleloko, ga se itirele phapano ya selo. Eupša, go na le selo se tee seo o swanelwago go se tseba, O swanelwa go ba go Kriste goba O hwile. O ka se kgone go phela ka ntle ga Gagwe. Kereke ya gago e ka no ba e le ya nnete, bjalo ka moago; bodiredi bja gago e ka no ba bja nnete, bjalo ka motho. Eupša ge o gana Mmele, Madi, Lentšu la Jesu Kriste, o hwile motsotso ge o dira seo. Ke lefelo leo Modimo a le kgethile la go direla. Ke mo Leina la Gagwe le lego ntshe, thwii. Go na le mowe A kgethilego go bea Leina la Gagwe; e se go ka kerekeng, eupša go Morwa, Jesu Kriste.

⁵⁹ Hlokomela, polokego e robetšwe fela mo lefelong leo Yena a le kgethilego, mo go kwana ya Gagwe, gomme ka mo leineng la kwana.

⁶⁰ Hlokomela, e be ele ya “pholo” kwana, e le ya monna, e sego mosadi. E se go kereke, mosadi; eupša Leina la Gagwe, e se go leina la mosadi. Mowe a sego a ya go kopana le batho e be e se leineng la mosadi, eupša mo Leineng la Gagwe, Yena, Kwana!

⁶¹ Bjale re re, “Kereke, e kgolo, kereke ye maatla, mosadi o dira se mme a dira *se*la. Mosadi o etša Modimo. Re ile ra e hwetša mo setšhabeng ka moka. Re na le batho ba bantši ka palo. Re na le kereke ye maatla. Mosadi ke selo se segolo.”

Eupša Modimo ga senka a bolela selo ka mosadi. O rile, “Yena.” “Yena,” ke lefelo la kopanelo, Kwana, e sego kereke. E sego leina la mosadi, eupša Leina la Gagwe. Ga se nka a beya leina mo gongwe. O bea Leina mo yo “Yena”!

Ke ka lebaka leo, “Tšohle tšeo re swanelwa go di dira, goba ka lentšu goba ka ditiro, re swanelwa go dira tšohle mo Leineng la Jesu Kriste.” Ge re rapela, re swanelwa go rapela mo Leineng la Jesu, ge re kgopela tayo, re swanelwa go kgopela ka Leina la Jesu. Ge re sepela, re sepela ka Leina la Jesu. Ge re bolela, re bolela ka Leina la Jesu. Ge re kolobetša, re swanelwa go kolobetša mo Leineng la Jesu Kriste. Gobane, “Tšohle tšeo re di dirago ka lentšu goba ka mediro, e direng mo Leineng la Jesu Kriste.”

⁶² Moisa yo mongwe o rile go nna nakong ye nngwe, re boledišana ka seo, a re, “Ngwanešo Branham, mosadi wa ka, ga ke tsebe. . .” O rile, “Mosadi, o leina la gagwe ke *semang-mang*.” Ke moruti, a ka no ba a dutše ka mo bjale. Gomme a re, “mosadi wa ka,” a re, “mosadi o na le leina laka.” Ke no re Jones, ka gobane e be e se Jones. O rile, “Bjale, ga a swanelwa go tsoga mesong ye mengwe le ye mengwe, a tšee leswielo a re, ‘Bjale, ke swiela lebatso ka leina la Jones, mme ke hlatswa

dibjana ka leina la Jones, mme ke roka diaparo ka leina la Jones.” A re, “Ga ke dumele gore o swanelwa ke go bitša leina le ga tee.”

Ka re, “Ke a dumela o swanetše.” Seo ke nnete.

Gomme a re, “Go lokile, ka lebaka la eng? Ga a swanela go le bitša. Tšohle tšeo a di dirago ke ka leina la Jones, go tloga mathomong.”

⁶³ Ke re, “Eupša ga se nka o sepelela kua tlase ka mokgotha mme wa hwetša mosadi, mme wa re, ‘Tla mo, Jones.’ O swanelwa go tla, la mathomo, ka tirelo, kopanelo ya lenyalo, ‘Jones.’ Ge a se a dira, le phela bootsweng. Gomme ge e ba O kolobeditšwe ka tsela ye nngwe eupša e sego ka Leina la Jesu Kriste, seo ke bootswa bja kolobetšo, yeo e sa hwetšwego Beibeleng.”

Ka gona, “Seo le se dirago ka matsogo le ka lentšu, dira tšohle mo Leineng la Jesu,” ka morago ga fao, seo o se dirago. Eupša mathomo o swanelwa go tla ka Leina la Gagwe.

⁶⁴ Go na le basadi ba bantši ba go loka ka moagong woo bošegong bjo, lokilego basadi ba ithobilego; eupša go na le Mohumagadi William Branham o tee. Ke yeo a yago gae le nna. Ke yena e le go mosadi waka.

⁶⁵ Go na le batho bao ba lokilego mo lefaseng, dikereke tše lokilego, eupša go na le Mohumagadi Jesu Kriste o tee, gomme ke yena A mo tlelago. Ke moo Leina la Gagwe le dulago gona. Ke moo tirelo ya Gagwe e lego gona, Ke go Yena mme Yena a nnoši. Seo ke therešo. Oo, ee, mohlomphegi. Re hwetša seo go ba therešo.

⁶⁶ Bjale, seo ke ka lebaka leo, rena, “Tšohle tšeo re di dirago ka lentšu goba ka mediro, re e dira mo Leineng la Jesu Kriste.”

“Ga go na leina le lengwe leo le neilwego ka fase ga Legodimo la phološo, eupša Leineng la Jesu Kriste.” Ditiro, tema ya bobedi 2, e re, “A e tsebje mo go lena . . .” “Ga go leina le lengwe leo le filwego ka fase ga Legodimong leo motho a phološwa ka lona, fela ka Leina la Jesu Kriste.” Amene. Ke a holofela le a e kwišiša. Leina la Jesu Kriste, yohle. . .

Legodimo la Godimodimo le reetšwe ka Yena, “Le lapa ka moka la Legodimo le reetšwe Jesu,” Beibele e rialo, “le lapa ka moka la mono lefaseng le reetšwe Jesu.” Ka fao ke Leina leo Modimo a le kgethilego le mowe A le beilego Gona. Seo ke lefelo la Gagwe la go direla, ke ka go Jesu Kriste. Bjale, re a tseba gore re be bjalo, ga go lefelo le lengwe la go direla eupša ka go Yena.

⁶⁷ “Ga go leina le lengwe ka fase ga Legodimo leo le filwego makgatheng ga batho, leo ba swanelwago go phološwa ka lona.” La Gagwe ke Leina la Modimo la topollo. Modimo O na le leina le bitšwa Jehofa-Jaera, Jehofa-rafa, Jehofa-jaera. “Morena o swarele dibe tša lena ka moka.” *Jehofa-rafa*, “Morena o fodiša malwetši a lena ka moka.” O na le dithaetlele

tše ntši. Eupša O nale Leina le tee la Topollo, leo la moloko wa batho ka moka, mme seo ke Leina la “Jesu.” Seo ke Leina la Gagwe, O ikgethetše go le bea. O le beile kae? O Le bea ka go Kriste.

⁶⁸ Maina ka moka a dikereke, melawana, dithaetlele, ke lehu go di bota. O bota kereke ya Metotisiti go go iša Legodimong, o lahlegile. Ge o tshepa Pentekoste, kereke ya Pentekoste go go iša Legodimong, o lahlegile. Gomme le Papatisi, Lutere, Presepatiariane, Kataloki, kereke efe kapa efe; o bota Maina a tšona, goba dithaetlele, goba melawana ya bona, o lahlegile.

Ka gobane, ga o kgone le go direla go fihlela la mathomo ge o etla lefelong la go direla. Amene. Leo ke lefelo le nnoši leo Modimo a kopanago le modiredi, ke lefelo leo A le kgethilego go bea Leina la Gagwe. A mangwe, ao le a botago, le tla hwa. A re gape. . .

⁶⁹ Morithi wo mongwe wa Jesu mo, ke nalo le swailwe mo fase, Lengwalo. Gape, Ke—Ke morithi mo, “Ga a swanelwe go ba le bosodi.” Lefelo mo A beago Leina la Gagwe, kwana ye e swanetše go se be le bosodi.

Bjale, ke kereke efe ya leina goba tshepedišo yeo o ka beago se go yona; kereke efe, Katoliki, Protostante, Bajuda, efe kapa efe? Tshepedišo efe, kereke ya leina, a o ka gatelela seo go yona, “ntle le bosodi go yona”? Tšohle di gannwe, mme di latotšwe.

Eupša go na le lefelo! Halleluya! Lefelo leo ke ka mo go Jesu Kriste. Ga go na bosodi go Yena. Ga go na phošo go Yena.

O ka se gatelele se. Batho bohle bao ba lekago go dira ka mokgwa wo, ba re kereke ya bona ga e na bosodi le tše tšohle tše. Ke ditšhila, Bathukgi-ba lentšu, barati, bahwile ga nnyane, Laotišia, molawana, eupša ga se Therešo. Eupša le Pilato ka bo yena, lenaba la Gagwe, o rile, “Ga ke bone molato go Yena.” Lenaba la Gagwe le ile la hlatsela gore ga go phošo go Yena. O ka se gatelele sebe sefe kapa sefe go Yena.

⁷⁰ O ile a re go bapirisita ba nako ya Gagwe, “Ke mang mo go lena yeo a ka mphegago molato wa sebe? Ke mang yo a ka ntaetšago gore ke modiradibe?”

Mpotše kereke e tee yeo e ka rego ga senka ba dira phošo efe. Go sa bebe motho, ga go le e tee ya tšona, o ka se ke, eupša babolayi le bao ba dirile tšohle di gona phatlalatša, le e tee ga se nka. Ka fao ba sa fela ba ipitša. . .Aowa, ga se lefelo la Modimo la go kopanela go direla, mo molawaneng goba kereke ya leina.

⁷¹ Bagwera baka, ga ke nyake go kwiša maikutlo bohloko, eupša ke na le boikarabelo ka Molaetša, gomme, Molaetša woo ke, “Tšwang mo tlhakatlakanong ye!” Gomme ge ke le kgopela gore le tšwe, naa ke ya go le iša kae? Nka le iša tabaranakeleng ya Branham? E sa le phošo go swana le tše tšohle ka moka.

Eupša go na le lefelo le tee nka go išago go lona, moo o bolokegilego le go šireletšega go tšwa lehung, ke mo go Jesu Kriste. Ke lefelo la Modimo la go direla. Ke lefelo leo ke go tsebišago go lona, bošego bjo, moo Modimo a beilego Leina la Gagwe. Moo A tshephišitšego gore O tla kopana le motho mang le mang yo a tlogo ka moo, O tla direla le yena a keteka le yena, ke mo go Kriste; e sego ka kerekeng ye nngwe, tabarenekele ye nngwe.

Eupša, go Kriste, Ke Tabaranake ya Modimo. Ke lefelo leo Modimo o tlilego go lona, Ka Boyena, mme O dutše go Yona. “Yoo ke Morwa Moratawa waka, Yoo ke kgahlwago ke Yena.” Go na mowe Modimo a go dirago tabaranakele, a tlišitšego Leina la Gagwe gomme A le bea fao go, Jesu Kriste. Ka gona, Leina la Gagwe le be le beilwe Mothong, Morwa wa Gagwe, Jesu Kriste, ka fao Yena A go dirilego tabaranakele ya Gagwe, mme ka go Tabaranakele yeo.

Kae, ka go seswantšho, Jerusalema e tala, menyanga ya kgale, tempele ya kgale, e be e le seswantšho; ge muši o tšwelela ka gare, le tšatši lela areka e tsena ya kgwerano, mme ya dula fase go iketla, gomme Lentšu la Modimo la kwala gotšwa go yona.

Ka fao Lentšu la Modimo le ile la kwala, le e tla ka go Tabaranakele, Jesu Kriste; e le go, e Tala (ka tlhago) e be e le morithi wa ye Mpsha. Gomme ge A e tla ka go Kriste, O rile, “Yoo ke Morwa Moratawa waka, yo go Yena ke kgotsofetšego go dula. Gomme ke tla kgetha lefelo moo ke tla beyago Leina La ka, mme mowe ke tla kopanago le motho, mme mowe ke tla direlwago gona.” Modimo o hlaotše lefelo; e sego ka kerekeng ya leina, eupša ka go Jesu Kriste. Ee, mohlomphegi.

⁷² Le yena o swanelwa gore “a hloke bosodi,” bjale ka ge ke boletše. Ga go kereke ya leina yeo e ititiya sefega ka seo. Ba a dira, ke bo molwalekriste.

⁷³ Bjale re hwetša mo, ela hloko morithi wa Gagwe gape. Ke—ke kwana yeo e swanelwago go bewa gape. Bjale, se se hwetšwa ka go Ekisoda 12, ge e ba le ngwala fase, Ekisoda 12:3 go ya go 6. Kwana e swanelwa go bewa matšatši a a mane, gore e lekwe, ge e ba e swanelwa go gafiwa ka nnete. Swanelwa go tsitsinkelwa, hlodišišwe gape le gape, matšatši a mane, go bona ge e ba ga go bosodi go yona, go bona ge e ba ga go bolwetši mo go yona, go bona ge e ba ga go selo sa phošo ka kwana. E swanelwa go bewa matšatši a mane.

⁷⁴ Bjale hlokomela. Ba bangwe ba lena e ka no ba ba nagana gore e ka no ba ka bonnyane, e bolailwe mo lesomenneng. Eupša, o a gopola, ba be ba tšea kwana ka letšatši la bo lesome la kgwedi, mme e hlabje ka letšatši la bolesomenne la kgwedi, bona, yeo e bego e beilwe matšatši a mane.

⁷⁵ Bjale, Jesu, Leina la Modimo, Kwana, ile ka Jerusalema mme ga senka e bowa gape go fihla ka morago ga lehu la

Gagwe, poloko le tso go, O ile a bewa ka fase ga bafenyekudi matšatši a mane le mašego a mane. A phethagalo ya Kwana e kaalo ya tshwantšho e beilwe matšatši a mane. Ka ka fao Pilato a rilego, “Ga ke hwetše phošo efe go Yena.”

⁷⁶ Morithi wo mongwe wa Gagwe, ga go lerapo leo le ilego la robja go Yena, e be e le se se phethagetšego, ge ba paletšwe. Ge ba bolaya sehlabelo, ga se ba kgona go roba lerapo. Ge nkabe go ile gwa ba bjalo, se be se ilo ganwa. Gomme ba be ba šetše ba ntšhitše molao go tla go roba marapo ka maotong a Kriste, ge ba rile, “O šetše a hwile.” Ba ile ba Mo hlaba lehlokoring mme ba hwetša Madi le meetse.

⁷⁷ Hlokomela selo se sengwe gape se segolo mo. Nka se kgone go e taboga, ka gobane e be e emetšwe ka go meneelo, bupi bja moneelo.

Ke a gopola nakong ye nngwe ba ile ba ba le sekolo, mo Beibeleng, ba se bitša sekolo sa baporofeta, mme e be e tloga e le sekolo sa mapaale. Gomme re hwetša gore Elijah o ile a ya fao sekolong seo letšatši le lengwe, mme ba re, “Rena. . .” Ba mo kgopela gore a tloge, ba re, “Ge o le mo tikologong ye, dilo di ba thwii.” Ka gona ba mo nyaka gore a tloge.

Gomme ba ya ba mo nyakela dijo tša go lalela. Gomme sehlopha sa ba baruti sa tšwa, goba baporofeta, go hwetša dinawa, go mo direla dijo tša go lalela. Gomme ge ba dira, ba ile ba kgoboketša dinawa tše ntši tšeo di lego tša tla thethwana; gomme ge ba bowa morago, e be e le motangtang wa morahabidi, wo o bego a na le mpholo, gomme ba di tšhela ka pitšeng. Gomme dipitša tša thoma go bela, gomme ba, e mongwe, a re, “Aowii, go na le lehu ka pitšeng. Bjale le rena re palelwa ke go ja.”

Gomme Elijah a re, “Ntlišetše bupi bja go tlala seatla.” A tšea bupi a bo tšhela ka pitšeng, mme a re, “Jang. Pitša e alafilwe.”

⁷⁸ Bupi bja sehlabelo e be e le Kriste. Tshetlana ye nngwe le yengwe e be e swanelwa go swana, mme karolwana ye nngwe le ye nngwe ya bupi e swanelwa go šilwa ka go swana, go bupi bja sehlabelo. A bonagatša, gore, Ke mofodiši. O a emela, mme o tšea lehu, mme a bea Bophelo; ka melao ye mebedi. Halleluya! Moo go lego lehu, lefelo le tee; ge Kriste a tsena, Bophelo bo a tsena. Ke wa go swana maabane, lehono, le ka go sa felego. Gomme moo go bego go le lehu, mowe go bile Bophelo, ka gobane Kriste a be a tlišitšwe ka gare, ke yena bupi bja moneelo.

⁷⁹ A thuto e kaaka ya gore dilo tše di tla bago yona ge re tšea nako go di ripaganya! Bjale hlokomela, ga go lentšu le le tee la morithi leo le paletšwego. Ga go lentšu le le tee leo le paletšwego, la morithi. Tšohle di swantšhitšwe ka phethagalo.

Yena ke lefelo leo Modimo a hlaotšego go direla, mme Leina la Modimo le neilwe Yena. Ke lefelo la Modimo la go

direla, mme Leina la Modimo le neilwe Yena. Ke Lentšu la Modimo, mme yena ke Leina la Modimo. Yena ke bobedi Lentšu la Modimo le Leina la Modimo. “E be e le lentšu le dirilwe nama.” E be e le Lentšu la Modimo, Kwana ya Modimo, Leina la Modimo, mme e le Modimo. Ke seo e bego E le sona, lefelo leo le hlaotšwego le lefelo le nnoši la Modimo la go direla.

⁸⁰ Gomme Modimo o gana lefelo le lengwe ge e se mo go Jesu Kriste; o ka se kgone go Mo direla mo gohle mo. O rile, “Ba Nthapela ka lefela, ba ruta Thuto tša malaya batho.” Lehono re na le melawana le dithutotumelo, le tšohle, tšeo di rutago se di re ke yona tsela mme le seo ke yona tsela.

Gomme Jesu o rile, “Ke nna Tsela, Therešo, le Bophelo, gomme ga go motho yeo a tlogo go Modimo ge e se ka Nna.” Ka mantšu a mangwe, “Ke nna Monyako go ya mohlapheng wa dinku. Bohle ka ntle ke mahodu.” Ke Yena mokgwa wa go batamela o nnoši. Ke Yena Monyako. Ke Yena Tsela, Therešo le Bophelo, tšohle tšeo di lego gona; tsela ya tseno e nnoši, lefelo le nnoši, tirelo e nnoši, Leina le nnoši.

Tšohle di tlemeletšwe mo go Jesu Kriste. Tastamente e Tala ka moka e tlemeletšwe go Yena. Tastamente e Mpsha e tlemeletšwe go Yena. Gomme Kereke lehono e tlemeletšwe go Yena, ka Lentšu la taelo ya Gagwe. Ga go na lefelo le lengwe, goba Leina le lengwe, goba mo gongwe, mowe Modimo a tshepišitšego gore o tla kopana le motho; mo go Jesu Kriste fela, lefelo leo A le kgethilego la go direla.

⁸¹ Hlokomela, Modimo o tshepišitše go kopana le badiredi ba Gagwe gona ka mo lefelong le fela, gomme leo ke la kgetho ya Gagwe Mong; e sego kgetho ya rena, e sego go nagana ga rena; eupša go nagana ga Gagwe, kgetho ya Gagwe. Gomme e tla ba lefelo leo A tla beago Leina la Gagwe, leo A le kgethilego. Ka fao re hwetša gore re hwetša mowe Leina la Gagwe le bego le le gona, leo A le kgethilego, ka kgetho ya Gagwe Mong.

⁸² Bjale ka ge re hweditše lefelo mowe A beago Leina la Gagwe, seo ke, mo go Kriste Jesu, mme ga go na lefelo le lengwe, goba leina le lengwe, a o kgotsofatša ke seo? E re, “Amene.” [Phuthego e re “Amene.”—Mogatiši.] Bjale, selo sa yona, ge re hwetša mowe lefelo le lego. . . Lefelo la go direla ga go felo fao le amogegagago, ge e se mo go Kriste fela.

O ka kgona go sokologa, o kgona go dira seo, eupša ga se wa thoma go direla. O kgopela tshwarelo. Petro o rile. . .

Ka letšatši la Pentekoste, ge ba bona bohle ba bolela ka maleme, mme le dika tše kgolo mme le dimaka di direga, ba ile ba thoma go sega, kereke e ile ya dira, mme ya re, “Banna ba ba tletše ka beine e mpsha. Ba ile ba dira go swana le matagwa. E le go. . .” Maria kgarebe, bona bohle, ba le

mmogo, lekgolo le masome a mabedi a bona. Gomme ba be ba thekesela bjalo ka matagwa, mme ba bolela ka maleme, mme ba tšwela pele. Ba re, “Banna ba ba tletše ka beine e mpsha.”

⁸³ Eupša Petro, a ema, a re, “Banna le banabešo, banna ba ga ba tlala ka beine e mpsha, ka gobane e sa le iri ya boraro ka masa a letšatši. Eupša se ke seo se boletšwego ke moporofeta Joel, ‘Gomme go tla tla nako mo matšatšing a bofelō, o rile bjalo Modimo, ke tla tšhela Moya Wa ka nameng ka moka; barwa le barwedi ba lena ba tla porofeta; godimo ga badiredi ba banna le badiredi ba basadi Ba ka ke tla tšhollela Moya Waka. Ke tla bonatša dika kua magodimong godimo, le mo lefaseng; mollo, pilare tša mollo, le malakabe a muši. Go tla tla nako pele ga Letšatši le legolo leo le šišago la Morena le le tlogo, gore mang kapa mang yeo a tla bitšago Leina la Morena o tla phološwa.’”

⁸⁴ Ge ba e kwa tše, ba ile ba hlabja dipelo, mme ba re, “Banna le banabešo, re direng eng?”

⁸⁵ Petro a re, “Sokologang, ka moka ga lena, mme le kobebetšwe Leineng la Jesu Kriste tebalelong ya dibe tša lena, mme le tla fiwa neo ya Moya wo Mokgethwa. Ka gobane kholofelo ke ya gore meloko ka moka ye e tlogo.” Bjale re hwetša seo.

⁸⁶ Bjale re nyaka go hwetša gore re tsena bjang *ka go* Yena. Re tsena bjang ka mo lefelong la go direla? Bakorenthe ba mathomo 12 e petha seo, ka gore, “Ka Moya o tee!” E se go ka kereke e tee, e se go ka molawana o tee, e se go ka molebeledi o tee, e se go ka bišopo e tee, e se go ka moprista o tee. Eupša, “Ka Moya wo Mokgethwa bohle re kolobeleditšwe ka Mmeleng o tee,” seo e le go Mmele wa Jesu Kriste, mme o ineela go mpho efe kapa efe yeo e lego ka go Mmele woo. Ee, mohlomphegi! Ga re joene, ga re rete melawana, gare tlatše ka moya, ga re išane fase, ga re fane diatla, goba e sego se sengwe mo gongwe. Eupša, ka Tswalo re kolobeleditšwe mo Mmeleng wa Jesu Kriste! Amene. “Ka Moya o tee wo Mokgethwa bohle re kolobeleditšwe mo Mmeleng o tee.”

⁸⁷ Gomme naa Mmele woo ke eng? “Mathomong go be go le Lentšu, mme Lentšu le be le na le Modimo, mme Lentšu e be e le Modimo. Gomme Lentšu la apešwa nama mme la phela makgatheng ga rena.” Naa re ka ba bjang ka Mmeleng mme ra gana Lentšu le tee la Wona, goba ra Le tloša ra le bea mogongwe mowe e se go mo Mmeleng? Naa re ka dira seo bjang le ga tee? Lefelo la Modimo leo le hlaotšwego!

⁸⁸ Hlokomela, mme ge o kolobeleditšwe mo go Yena ka therešo, bohlatse bja nnete ke gore o wa Mo dumela, Lentšu.

Naa o ka ba bjang karolo ya Gagwe mme wa Mo gana? Naa nka gana bjang letsogo la ka go ba letsogo laka? Ge go le fao. . . Ge ke dira, go na le se sengwe sa phošo mo monaganong wa ka. Gomme naa nka kgona? Ge go na le se sengwe sa phošo mo monaganong waka, ke gane gore ke letsogo laka, ke gane gore ke leoto laka, go na le se sengwe sa phošo mo semoyeng ka

modumedi yeo a ganago Lentšu le lengwe le lengwe leo Modimo a le boletšego mme a le tshepiša. Go na le se senngwe seo se fošagetšego mo semoyeng ka seo se bitšwago modumedi.

⁸⁹ O ka se gane letere le tee la Gagwe, ka gobane o bile karolo e tee ya sona seo. O karolo ya Gagwe ka gobane o kolobeleditšwe ka go Yena; ka, Moya wo Mokgethwa o go tlišitše ka Mmeleng wa Jesu Kriste. A selo se se botse!

⁹⁰ Modimo o na le lefelo le le itšego leo A kopanego—A kopanego le Abrahamama, gomme mowe Abrahamama a direla. Tšohle go fologa le Tastamente!

Gomme Lentšu la Gagwe leo a le tshepišitšego le tla hlathollwa ka go wena, ke Yena. A le hweditše seo? Lentšu leo A le holofeditšego go le phethagatša mo letšatšing leo o phelago go lona, le tla ba diepisitolo tšeo di ngwadilego tša Modimo, di balwa ke batho bohle. E sego seo o se bakago, eupša seo Modimo a se dirago ka wena, se tla bolella godimo go feta seo o ka rego ke sa gago. Modimo o rile, “Dika tše di tla ba latela bao ba dumelago.” Seo se bolela ka wena.

⁹¹ O boletše ka nako ye, naa go tla ba eng bjale. Badumedi ba nako ye ba swanelwa go dumela Se, seo A se tshepišitšego lehono. Go no swana le nako yela ba swanelwa go tsena ka arekeng, go phološwa; go tšwa Egepeta go ya go phološwa; ba be ba swanelwa go tla ka go Kriste, go phološwa bjale, ka go Lentšu Molaetša, gore Ke wa go swana maabane, lehono, le ka go safelego.

⁹² Naa o tsena bjang ka go Yona? Ka kolobetšo! Kolobetšo ya eng, meetse? Ka Moya wo Mokgethwa! “Moya o tee, re kolobeleditšwe mo Mmeleng o tee.”

⁹³ Gomme Lentšu la Gagwe leo a le tshepišitšego, A ka se. . . Ga wa swanelwa go Le hlatholla. O tla Le hlatholla ka wena; seo o se dirago, seo A se tshepišitšego go se dira. Kereke yeo e Mo latelago e tla swana le Yena go fihla ge batho ba tla tseba.

Lebelela Petro le Johanne ge ba be ba botšišwa ka motho yola ba mo fodišitšego kua lesorong leo le bitšwago Botse. Ba rile, “Ba bonetšepele,” baprista bao ba dirile, “gore bona ba be ba sa hlokomele mme ba se ba rutege,” eupša ba ela hloko gore ba be ba na le Jesu. Ka gobane, (eng?) ba be ba dira tšeo A bego a di dirile.

⁹⁴ O swanelwa go ba mo go tše tša Tate. Gomme lehono e swanelwa goba sa go swana.

⁹⁵ Bjale, gopola, ke Wa go swana maabane, lehono, le ka go safelego; ka gore Modimo o kopana le wena ka go Yena, lefelo le nnoši ka fao; ka gore ke fao A kgethilego go bea Leina la Gagwe go Jesu. “Jesu” ke Leina la Modimo. Gopola, Tate, Morwa, Moya wo Mokgethwa, ke dithaetlele tša Leina “Jesu Kriste.”

⁹⁶ Ge Mateo a rile, “Ka gona yang, le rute ditšhaba, le bakobetše mo Leineng la Tate, le la Morwa le la Moya wo Mokgethwa.”

Naa e hlathollotšwe ka phošo ga kaakang lehono, mme e re, “Ka leina la Tate, leina la Morwa, leina la Moya wo Mokgethwa.” Ga se ya ngwalwa lego ngwalwa. Ke go re, “Ka Leina,” botee, “la Tate, Morwa, Moya wo Mokgethwa.” *Tate* ga se leina, *Morwa* ga se leina, *Moya wo Mokgethwa* ga se leina; ke thaetlele.

Matšatši a lesome ka morago ga fao, Petro o ile a ema a re, “Sokologang lena ka moka, mme le kolobetšwe Leineng la Jesu Kriste.” Ka gona a o dirile seo A mmoditšego gore a seke a se dira? O dirile seo A mo laetšego go se dira. Leina la Tate, Morwa, le Moya wo Mokgethwa ke “Morena Jesu Kriste.” Batho bohle mo go Tastamente e Mpsaha ba ile ba kolobetšwa mo Leineng la Morena Jesu Kriste.

⁹⁷ Ga go motho le o tee ka mo Beibeleng yeo a kilego a kolobetšwa ka dithaetlele tša Tate, Morwa, Moya wo Mokgethwa. Seo ga se nka se bonagala go fihlela thuto ya Nicaea e bewa mo go Nicaea, Roma. E be e le taelo ya kereke ya Katoliki, hweditšwe, bonagaditšwe, se se swanago, mo dikatikasemeng. Ke e hweditšwe, ke nnete, *Mabaka A Tumelo Ya Rena*, mme le go tšwela pele, seo ke sa mafelelo ke molawana wa Roma ya Katoliki. Ba tla go botša gore ga e gona ka Beibeleng; eupša ba re ba na le maatla go fetola Mantšu wona, ge ba kgahlwa ke seo, ka lebaka la mopapa. Ke ganetša seo.

Jesu Kriste ke wa go swana maabane, lehono, le ka go safelego. “Gomme mang le mang yeo a tlošago Lentšu le tee go tšwa mo Beibeleng,” go rile Jesu, “goba a oketša Le tee, karolo ya gagwe e tla tlošwa mo Pukung ya Bophelo.” Lentšu le Tee; e sego lefoko, goba temana, eupša Lentšu! “Mang goba mang a ka tlošago Lentšu le tee . . .”

⁹⁸ Mathomong, Modimo O ile a hlamiša batho ba Gagwe ka Lentšu la Gagwe. Lentšu le Tee, ge le šaeditšwe, le hlotše lehu ka moka, go opša ke hlogo gohle, manyami ka moka. Efa, ga se a thokga lefoko; o thokgile Lentšu. Ge Jesu a etla mo bogareng bja Puku . . . Seo e be e le mathomo a Puku.

Ge Jesu a etla bogareng bja Puku, naa O ile a reng? “Go ngwadilwe gwa thwe motho ga a phele ka bogobe feela, eupša ka Lentšu le lengwe le le lengwe leo le tšwelego molomong wa Modimo.”

Mo Pukung ya mafelelo Kutullo tema ya 22, le temana ya 18, mo magomong a mafelelo a Beibele, Jesu ka Boyena, o re, “Ke ya hlatsela gore ge motho ofe kapa ofe ge a tšea Lentšu le tee go tšwa Pukung, goba a oketša lentšu le tee go Yona, karolo ya gagwe e tla tlošwa go tšwa Pukung ya Bophelo,” ka gobane ke moporofeta wa maaka mme o arošitše batho, gomme madi a gagwe a nyakwa diatleng tša gagwe ka go dira ka mokgwa woo.

⁹⁹ Re swanelwa go lota lefelo leo la go direla, seo ke, Jesu Kriste Lentšu, wa go swana maabane, lehono, le ka go safelego. Amene. Tšohle di lokile, Gopola, ga go na lefelo le lengwe la go kopanela go direla, e sego lefelo. Modimo O Le hlaotše.

¹⁰⁰ Johane, morago kua mowe Tastamente e Mpsa le ye Tala di kopanago. Theetšang ka kelohloko bjale. Hlokomela kudu. Johane, ntšhu yela e kgolo, e ile ya tšwelela e fofa go tšwa lešokeng letšatši le lengwe, mafego a yona a magolo a phatleletše. A fologela mo leribeng la noka ya Jorodane, moporofeta wa ntšhu e kgolo yeo e ilego ya kopantšha tsela makgatheng ga Tastamente e Tala le ye Mpsa, mme a ba bitša go tšwa go la go ja le la ntsogošo. O be a bitša letšatši la tshokologo.

Mowe go tšwago BaFarasei le Basatasei; A re, “Le se ke la thoma gore ka mo go lena, ‘Re na le Abrahama tatawešo,’ ka gobane ke A le botša Modimo O kgona go ka tsošetša Abrahama bana mo maswikeng.” Oo, nna!

Ge a thoma go lahlela Ebangedi ya gagwe kua ntle, mme a re, “Mowe go eme Yo mongwe makgatheng ga lena, Yeo le sa mo tsebeo. Ga se ka tšo ke Mo tseba, eupša ke tla mo tseba ge A e tla. Ga ka swanelwa go tlemolla seeta sa Gagwe. Eupša o tla le kolobetša ka Moya wo Mokgethwa le ka Mollo. Gomme leselo la Gagwe le mo seatleng sa Gagwe; O tla swiela sebowa sa Gagwe, mme O tla tšhuma matlakala ka Mollo woo o sa timego.”

¹⁰¹ Ntšhu yeo ya Ebangedi e kgolo e emego mowe, ge a tšweletša tšhošetšo ya gagwe e kgolo. Gomme tšhila e tšwelela ntle, goba Herode, mmuši wa nako yeo, mmušetše, o ile a nyala mosadi wa ngwanabo. Gomme a o nagana ntšhu ye kgolo ye ya Ebangedi e dutše fao mme e swere khutšo ya yona ka seo?

Ba bangwe ba bona ba rile, “O seke wa rera lenyalo le tlhalo gona bjale, Johane, ka gobane mola go dutše Herode.”

¹⁰² A ya thwii go yena sefahlegong mme a re, “Ga se ka molao ge wena o tšea mosadi ye.” Thwii!

Naa ke eng, yena, e le eng? E be e le ntšhu yela e tšwago lešokeng. O be a se a hlahlwa ka fase ga botšhosetši bja batho le ditšhošetšo, tša kereke ya leina. Eupša o be a hlahlilwe ka fase ga maatla a Modimo, Ramaatlaohle, go tseba gore go tla ba eng mola. O ile a tseba ponagatšo ya Mesiah.

Halleluya! Lentšu le lera gore, “Godišang Modimo wa rena!” Le seke la tšhoga. Ga se ka tšo kwiša motho bohloko go fihla fa. Ga se ka thantshelwa. Ke tseba gabotse mowe ke lego ntshe.

Oo, ge ke nagana ka yena, ntšhu yeo e kgolo e fofela mola gomme e dula fase! O rile, “Ke tla Mo tseba ge A etla.”

¹⁰³ Letšatši le lengwe o be a eme mola, a rera. Moprasta o be a le ka thoko yela go putla lehlakori, a re, “Naa o ra gore go tla tla nako yeo segafiwa sa mehleng se tla go tlošwa; tempele ye kgolo ye re e agilego, mme le mošomo ka moka woo re o dirile, rena kereke ya leina e kgolo?”

A re, “Go tla tla nako mowe tšohle di tla tlogelwago.”

“E ka se kgonege. O moporofeta wa maaka!”

¹⁰⁴ Gomme a lebelela mo gohle. A re, “Bonang, Yena šole! šelele lefelo leo Modimo a le hlaotšego. Kwana šele, Kwana ya nnete yeo e tlošago sebe sa lefase.” Ga senka a re, “Mo go tšwelela Metodisiti, ga se a re mo go tšwelela Papatisi, goba Katoliki.” O rile, “šele e a tšwelela Kwana ya Modimo yeo e tlošago sebe sa lefase.”

Lefelo le nnoši leo le nago le polokego ke ke ka mo go Kwana ya Modimo. Ka go Yena a nnoši go na le phološo; e sego go kereke ye nngwe, molawana woo o itšeng, batho ba ba itšego, tate yo monngwe, mme ye a itšeng, monna yo a itšeng yo mokgethwa, goba e se go selo, lefelo le lekgethwa. Ke ka go Modimo wo Mokgethwa, Morena Jesu Kriste, Mo Modimo A beilego Leina la Gagwe godimo ga Motho, go lokolla, Yo a patetšego tefo ya rena badiradibe. Ke lefelo le nnoši mowe go nago le phološo. Leo ke Leswika leo ke emago go lona.

¹⁰⁵ Johane o ile a Mo lemoga. A re, “Ga se nke ke Mo tsebe ge ke Mmona a tšwelela a sepela, eupša kua ntle kua ke hweditšego thuto ya ka ya sekolong...” E sego seminareng bjale ka ge tatagwe a dirile, e sego bjalo ka moprista, a hlahlilwe. Eupša kua Lešokeng, mowe a be go a le seminareng ya thuto ya Boithutha bodumedi bja Modimo yo maatla a letetše Lentšu la Modimo; e se go se sengwe seo sehlopha sa banna bao ba alametšwego, eupša seo Modimo A se boletšego ka Yona. Gomme ge Johane a lebelela godimo mme a bona Moya o etla, a re, “Ke bea bohlatse, yo ke Yena.” Oo, nna!

Lefelo la gago la go direla šeleo. Ke lefelo la gago la go utama. Kwana ya Modimo yeo e tlošago sebe sa lefase. E sego kereke, e sego molawana, goba se sengwe gape, eupša Kwana ya Modimo yeo e tlošago sebe sa lefase.

¹⁰⁶ Bona ka fao Johane a e beilego ka gona? Ga senka a re, “Lena Bafarasei le a rereša, lena Basadusei, Baherote.” O rile, “Kwana šele.” Leo ke lefelo. O na le Leina. Ke Yena o Tee. E sego le lengwe, leina ka fase ga Legodimo!

¹⁰⁷ Lebelela seo Jesu a se boletšego ka Johane bjale. Letšatši le lengwe Johanne o ile a romela go Yena, go bona seo A bego a se dira. Jesu o rile ka yena, “E be e le seetša se segolo seo se phadimago,” go ba laetša tsela ya nnete yeo ba swanelwago go e latela pele ga go tla sa Gagwe, Go tla ga Gagwe ga Mathomo. Thaetšang ka kelohloko, E se ke ya feta ka godimo. Jesu o rile, “Johane e be e le seetša seo.” Malaki 3, ntle le phošo! Moporofeta a na le seetša se segolo se phadimago o bonagaditše Jesu bjale ka yena o Tee a nnoši, “Kwana.” Dikwana tše dingwe tšohle tšona baprista ba be ba bolela ka tšona, gomme le tšona tšohle dilo tše dingwe, e be e le botlaela. Mo go be go na le “Kwana!” Monna ka seetša se segolo seo se phadimago mowe Jesu o rile e be e le yena.

Malaki 3 e rile, “Ke tla romela morongwa Waka pele ga sefahlego sa Ka go lokiša tsela.” Gomme yeo a bego a romilwe go lokiša tsela, o ile a laetša Yena lefelo. “Seo ke Yena! Mowe ga go phošo. Seo ke Yena! Ke bona seka se Mo latela. Ke a tseba gore ke Yena; Seetše se fologa se e tšwa Legodimong mme se fologela go Yena.” E be e le seo se kwanago, seo e be e le Yena.

¹⁰⁸ Ka gona, ngwanešo, ke rata go go kgopela se sengwe, re sa tswalela. Re ka no bolela se. Mo go Malaki 4, naa ga ra tshepišwa ntšhu ye nngwe, Pilare ya Seetša yeo e tla go latela, go tla go laetša kereke ye e phošago mo letšatšing le gore ke Yena Baheberu 13:8, “wa go swana maabane, lehono, le ka go safelego”? Naa ga ra tshepišwa e nngwe go tla e fofa e etšwa lešokeng? Amene! Seo ke ka kgonthe Therešo. Ka fao e nyalana e bile e swana tlwa le Luka 17:30, mowe Morwa wa motho (Ntšhu) a tlogo Ikutolla go tliša go lefela mafelo ka moka a go direla, bjale ka di kereke tša maina le go tšwela pele!

Modimo o hlaotše lefelo la Gagwe. Johane o rile, “Yona šeo!”

¹⁰⁹ Gomme ka gona re tshepišitšwe sa go swana mo letšatši le, Malaki 4, “Go bušetša dipelo tša bana morago,” gore Ga A hwa, dilo tše ga se tša nako ye nngwe; kolobetšo ka Leina la Jesu e be e se ya kua morago kua, eupša O sa swana bjale. Amene. Go fetoša lefela mafelo a mangwe ka moka a go direla, ke seo ntšhu ya mafelelo e tla se dirago, go bontšha gore tšohle tša yona ke botlaela, kereke ya leina ke botlaela, eupša go ba bontšha gape ka sona seka seo a ilego a se dira, gore O a swana maabane, lehono le ka go safelego. Halleluya!

¹¹⁰ Gape, mo go Kutullo 4:7, re na le Diphidi tšeo re sa tšwago go fetša ka tšona.

Sa mathomo e be ele, re hweditše gore, e be e le tau. Yeo e be e le Sephedi sa mathomo seo se ilego sa kopana le tlhotlo ya letšatši, Tau ya leloko la Juda.

Ka morago ga Gagwe go tla Sephedi se se latelago. Gomme re hwetša gore, Sephedi se se latelago ke pholo, yeo e lego phoofolo ya go rwala boima, sehlabelo. Matšatši a moago wa Roma, Kereke e ile ya hwa; sehlabelo.

Yeo e latelago ya tla, e be e le motho, e be e le Sephedi ka sefahlego sa motho. Gomme motho yeo e be e le batsošološi, thuto ya motho, thuta bo modimo, mme le go tšwela pele.

Eupša Sephedi sa mafelelo se be se swanela go fofa, Sephedi sa mafelelo seo se bego e le sa go tla, Beibele e re e be e le ntšhu yeo e fofago. Halleluya! Gomme moporofeta o rile, mo letšatšing le, “Go tla ba Seetša.” Oo, nna! “Moo letšatšing leo go tla ba Seetša.”

¹¹¹ Go bile le letšatši la batsošološi. Go ile gwa ba le letšatši leo e bego e le morithi, o ka se le bitše mosegare goba bošego. Eupša nakong ya mantšibua, mo nakong ya Ntšhu:

Go tla ba Seetša nakong ya Ntšhu,
 Tsela ya go ya Letagong ka nnete o tla e
 hwetša;
 Ka mo tseleng ya meetse go Seetša lehono,
 Bolokilwe ka Leina le bohlokwa la Jesu.
 Bannyane le ba bagolo, sokologang dibeng tša
 lena,
 Moya wo Mokgethwa ka nnete o tla le
 kolobetša
 ka go wona;
 Ka gore Seetša sa mantšibua se tlile,
 Ke lebaka la gore Modimo le Kriste ke ba Tee.

¹¹² Amene! Go tla ba Seetša ka nako ya mantšibua, lefelo la Modimo leo a le hlaotšego go direla. Oo, a Molaetša wo o tletše eng, naa O ya go dira eng? Gomme mo letšatšing la gagwe go tla ba Seetša nakong ya Mantšibua, gomme (eng?) go tla go amogela bana ba Gagwe morago gae ka Nageng ya tshepišo ya nnete, ka leswao leo le swanago la Pilare ya Mollo yeo e hlahlilego bana ba Isiraele kua lešokeng.

Lefelo la Modimo leo A le hlaotšego go direla, Jesu Kriste. Ke lefelo le nnoši le le lego gona. Leo ke Leina le nnoši leo Modimo a nago le lona la phološo. Ke leo A le reetšego lapa Kua Legodimong, ge le le mo lefaseng, ke Jesu Kriste.

¹¹³ O kereke, E batho, mogwera wa ka wa modiradibe, o se ke wa tshepa selo eupša Jesu Kriste. O se ke wa tshepa moreri ofe kapa ofe. O seke wa tshepa mang kapa mang yeo a ka go phološago. O seke wa tshepa kereke ye e itšego, goba molawa ofe, kereke efe ya leina. Tshepa fela Jesu Kriste, ka gore ke Yena Seetša sa iri.

A re inamišeng dihlogo tša rena.

E tla ba Seetša nakong ya mantšibua,
 Tsela ya go ya Letagong ka nnete o tla e
 hwetša;
 Ka tsela ya meetse go Seetša lehono,
 Bolokilwe Leineng le bohlokwa la Jesu.
 Bannyane le ba bagolo, sekologang dibeng tša
 lena,
 Moya wo Mokgethwa ka nnete o tla tsena;
 Dietša tša mantšibua di tlile,
 Ke therešo gore Modimo le Kriste ke ba ba
 Tee.

¹¹⁴ Oo, ngwanešo, kgaetšedi, ge e ba ga se wa sokologo go fihla bjale ge e ba ga se wa kolobetšwa mo Leina la Jesu Kriste, nke o dira mathomo a seo bošego bja lehono? A Nke ofe Modimo monyetla go go amogela ka mo lefelong leo o tla kgonago go Mo direla? Gopola, kua ntle kua, ga go lefelo leo Modimo a e tshepišitšego go kopana le wena mme a amogele godirela ga gago.

115 O re, “Ngwanešo Branham, ke direla go no swana ke hlokofetše!” Kaine o ile a dira. O ile a dira moneelo wa mohuta wa wo Abele a go o dira, eupša e be e le moneelo wo fošagetšego. O ka no ba o e ya kerekeng, mme o ntšha sa lesome, gomme o dira mošomo wa gago bjalo ka ge Modumedi a swanetše, o kgothetše go swana le monna goba mosadi yo mongwe le yo mongwe.

Ke eme mo bjale mengwaga ye e ka bago masometharo, go dikologa toropo ye mo, mme ke goelela Molaetša wo o swanago. Ke a tšofala. Nka se sa kgona go ba le lena nako e telele. Eupša gopola, ka Letšatši la Kahlolo, lentšu la ka le gatišitšwe, mme le tla bolela kgahlanong le wona.

116 Go na le lefelo le tee moo Modimo a beago Leina la Gagwe, gomme seo ga se kereke, eupša ka go Jesu. Go na le lefelo le tee feela la go direla, lefelo le nnoši mowe o amogegago, mme seo ke mo go Moratwa, Jesu Kriste. “Ga go leina le lenngwe ka fase ga Legodimo, le filwego makgatheng ga batho, leo le ka phološwago ka lona,” e sego kereke, e sego molawana, e sego selo. Jesu Kriste!

Gomme se go swanelwa go ba Molaetša wa nako, “Go bušetša morago dipelo tša bana, morago Tumelong, yeo e ilego ya fiwa bakgethwa gatee.” Naa ga o E amogele bošegong bja lehono?

Gomme re sa kobamišitše dihlogo tša rena.

117 Gomme bao ba ratago go gopolwa mo thapelong, le ka no emiša matsogo a lena. Re ka se bitše batho go tla mo aletareng, ka gobane e no ba ba bantši kudu. Modimo a le šegofatše. Nna! Ka go la mpati, ke akanya gore e ka ba makgolo a mararo.

118 Bjale ka go la go ja, le ka emiša matsogo a lena, le re, “Ke rata go gopolwa.” Ke a akanya e ka ba leggolo le masome a mahlano, goba go feta, ka go laka la go ja.

Re na le tabaranakele mo tlase yeo e na go le bodiba bjo bogolo bja meetse; moruti, moruti ye a lokilego, Ngwanešo Orman Neville, bathuši, banna ba mo dikologile bao o ba bonago mme la kopana. Letšatši le lengwe le lengwe, bošego bjo bongwe le bjo bongwe, nako efe kapa efe, batho bao ba ratago go kolobetšwa, ba sokologile, bo letile ka nako tšohle. Gomme ge o obamela taelo yeo, o na le nnete, ka tshepišo ya Modimo, ge o kgothetše pelong ya gago, go amogela kolobetšo ya Moya wo Mokethwa.

119 Go na le lefelo le tee feela la go direla. Bjale, seo ke tabaranakele. Seo ke ka go Kriste. Naa re tsena bjang ka go Yena? “Ka Moya o tee bohle re kolobeditšwe ka mo Mmeleng o tee.”

A re rapeleng.

120 Modimo yo a Rategago, ge matsogo a a emišetša godimo, a šupa seo se lego ka fase ga letsogo ka pelong, ka kgotsofalo yeo e tiilego ya gore ka nnete ba nyaka thušo go Wena. Ke rapelela yo mongwe le yo mongwe wa bona, Tate. Gomme ke ya go tsofala Lentšu la Gago. O rile, “Yo a kwago Lentši La ka, mme

a dumela Yo a Nthumilego, o na le Bophelo bjo bo sa felego, mme a ka se tle Kahlolong; eupša o setše lehu o seletše Bophelong.”

Tate, go tlo tloga mo toropong dibeke di se kae, wa bowa, botšiša, “Ka yona *ye?*”

“Ka lebaka la eng, ba ile.”

“Go lokile, ke eng ka . . .”

“Ba ile.”

¹²¹ Modimo yo a Rategago, ka o tee ka o tee re biditšwe, ka o tee ka o tee re ile ra hlohlwa go sepelela tlase ga molapo wa morithi wa lehu. Gomme ka lebaka la gore yo monngwe le yo monngwe wa rena, rena ba re hwago. Eupša, bošego bja lehono, O re file tayo ya Gago, gore ge re ka dumela go Yena mme ra kolobetšwa mo Leineng la Gagwe, O tla re tšeela ka gare. Gomme ka mo Mmeleng wo, Mmele wa Kriste, e sego ka kerekeng; eupša ka Mmeleng wa Kriste, Mmele woo o šetše o ahlotšwe. Ga o swanelwa go tla Kahlolong. Modimo o tšholletše bogale bja Gagwe godimo ga mmele woo, gomme mmele woo o lokologile sebeng; mme, goba ka go Yena, go re bea tokologong ya sebe, ka Poelanyo ya Gagwe yeo a re hwetšego. Gomme ka mola re na go tlhakanelo le yo mongwe le yo mongwe, ge Madi a Jesu Kriste, Morwa wa Modimo, a re bea re hlwekile go tšwa sebeng le tshenyego.

¹²² Tate, Modimo, ke rapela gore O tla tšea yo monngwe le yo monngwe wa bona ka Mmušong wa Gago. E neele, Modimo. Nke go ka se be le yo o tee wa bona a ka lahlegago; nke go ka se be mošimane go ba mosetsana, monna goba mosadi. Morena, ba banngwe ba batho ba gešo ba dutše mo, bošego bja lehono, ke fao ka fase ga Madi. Naa ke, gopola gabotse bjang mantšu a tate! Gomme ke a rapela, Modimo yo a Rategago, gore go se be le o tee wa bona yo a lahlegago. E neele, Morena. Ke a Go dumela bjale, ka tšohle tšeo ke swanelwago go go dumela ka tšona.

¹²³ Sepelela godimo ga bana bešo, bokgaetšedi, bagwera ba ka, ka mo lefelong le bošego bja lehono mme le kua ntle mo mogaleng. Mafelo a mmalwa a go fapana a thaeletšo, tsela ka moka go tloga kua lebopong la Bohlabela go ya Bodikela. Ke a rapela, Modimo yo a Rategago, tsela ka mo ka go putla mahanata kua Tucson, tsela ka moka go apararetša California, tletlolo kua Nevada le Idaho, tsela ka moka kua Bohlabela le tikologo, tlase kua Texas; ge taletšo ye e fiwa, batho ba dutše go ka—ka dikerekeng tše nnyane, botšhelong bja dipeterole, ka malapeng, ba theeditše. A Modimo, nke motimedi yola wa monna goba mosadi, mošimane goba mosetsana, nako ye, ba tle go Wena. E neele gona bjale. Re e kgopela mo Leineng la Jesu, gore ba hwetše lefelo le la botšhabelo e sa le nako.

Ge, re bona seatla se ngwala lebotong, lefase le tlelwa ke letšhogo, nako ya topollo e batametše. Karolo ya setšhaba se rena e a nwelela, karolo ye nngwe e kgokologa mme e palega ka tšhišinyego ya lefase, Jesu a tshepišitše gore go tla ba bjalo. Ga e seke ya ba tšea telele, Morena. Nke ba ka e amogela bjale, ka gore re ba neela go Wena bjalo ka dibjana ka go kopana, le Evangedi, mo Leineng la Jesu. Amene.

¹²⁴ A le A Mo dumela? Modimo a le šegofatše. Ke ba ba kae bao ba dumelelo gore ke Therešo, ka go la mpati, emišang matsogo a lena. Ke ba ba kae ka go la go ja, emišang matsogo a lena. Modimo a le šegofatše. Bokgole bjoo ke bo bonago, bohle. Seo ke Therešo, bagwera. Modimo o a tseba gore ke therešo.

¹²⁵ Bjale ge re sa le mo go Yena, mme re le ka go Yena, O na le go fihlela tšohle tšeo A di hwetšego. Gomme O hwetše eng? “O gobaditšwe ka baka la dikarogo tša rena, tlapiriganywa ka baka la bokgopo bja rena; kotlo ya khutšo ya rena e wetše Yena godimo, mme ka ntho tša Gagwe re fodišitšwe.” A le dumela seo? A le dumela go poelanyo ya Gagwe go phodišo bjale?

¹²⁶ Naa go na le bao ba babjago makgatheng ga rena? A ba emišang matsogo a bona, la go ja goba la ntsogošo. Lešaba le legolo la bolwetši. Nka se bitše mothalo wa thapelo. Le a bona, ga se ka . . . nka se tle mo sefaleng. Ga go tsela yeo nka e dirago ka gona.

Ba na le kopano ya thapelo ntle ka kua mafelong a mangwe, go bao ba babjago, mo di kerekeng le dilo, fase mo tabaranakeleng.

Ke ya go le botšiša se sengwe. Naa go na le badumedi ba ba kae mowe? Emišang matsogo a lena. Go lokile. Ke ya go le tsopelela Lentšu, leo e lego Kriste. Thomo ya Jesu ya mafelelo mo lefaseng, le go Kereke, ke rata gore, O rile se, “Dika tše di tla latela bao ba dumelelo; ge ba bea diatla godimo ga balwetši, ba tla fola.” Ke ba ba kae bao ba tsebagore seo ke therešo, Mareka 16, e re, “Amene.” [Phuthego e re, “Amene.”—Mogatišiši] Go lokile. Ke a go kgopela bjalo ka modumedi go bea diatla godimo ga yo monngwe pele ga gago. E no bea matsogo a gago godimo ga yoo a lego ka pele ga gago, mme bohle ka o tee ka o tee ra rapele thapelo ya yo mongwe le yo mongwe bjale. Bea matsogo a gago godimo ga yo mongwe kgauswi le wena.

¹²⁷ Morena, mo pele ga ka go na le lepokisi la disakatuku, mantseketlana a diphaahla; tše dingwe tša bakgekolo ba robetše mo gongwe, ba e hwa, lesea leo le lego diphateng tša lehu, batho bao ba babjago mo gohle. Re bala mo Beibeleng gore ba ile ba tšea go tšwa mmeleng wa Paulo disakatuku le dithethwana, gomme di ile tša bewa godimo ga balwetši; gomme meboya ye mebe, mme le ya ditšhila meboya, le go

babja, le malwetši a ile a tlogela batho. Bjale, Morena, re a tseba ga re Mokgethwa Paulo, eupša re a tseba gore O sa no fela o le Jesu, lefelo le nnoši leo Modimo a le filego la go direla. Gomme bjale, lehono, batho ba ba ipoletše go tumelo ya go swana, bjalo ka ge ba ile ba dumela go swana le ba le ba go dira. Ka therešo O ile wa dira tsela go bona! Gomme ke bea matsogo a ka godimo ga disakatuku tše gomme ke kgopela ka ge gore malwetši le ditlaešego di tlogela mebele ya batho yeo di tla bewago godimo ka Leina la Jesu Kriste.

¹²⁸ Bjale, re a rutwa, gore ge Isiraele e be e etšwa ka Egepeta, ba le mo mothalong wa mošomo, ba be ba le tseleng ya bona go ya nageng ya tshepišo. Lewatle le lehubedu le ile la ba ema tseleng. Gomme Modimo a lebelela fase go putla Pilare ya Mollo, gomme lewatle la tšhoga, la kgobokana thoko e tee, gomme la lesa Isiraele ya fetela lefaseng la tshepišo. O Modimo, lebelela fase ka Madi a Jesu, bošego bja lehono, mme nke go babja go ka kgokologela kua thoko, mme Satane a rakelwe kua ntle. Gomme nke batho ba ka fetela go bophelo bjo bo fodilego bjo tshephišitšwego bja maatla, seo Modimo a rilego, “Godimo ga tšohle, ke duma gore nke le ka tšwela pele mo pholong ya lena.”

¹²⁹ Bjale ka ge O bona mola, Morena Jesu, diatla tša batho ba mo godimo ga yo monngwe le yo monngwe, ba bonagatša tumelo ya bona, yeo O rilego, “Dika tše di tla ba latela bao ba dumelago.” Ba rapela ka tsela ya bona, go yo monngwe le yo monngwe. Motho yo a latelago o a ba rapelela.

¹³⁰ Bjale, Morena, tlhotlo ye e phethagaditšwe, ya gore Satane, motšhošetši yo mogolo, ga a na tokelo go ka swara ngwana wa Modimo. Ke selo seo se fentšwego. Jesu Kriste, lefelo le nnoši la go direla, Leina le nnoši la therešo, le mofentše kua Khalibari. Gomme re tšea Madi a Gagwe gona bjale thwii, gore O fentše go babja gofe kapa gofe, bolwetši bofe kapa bofe.

Gomme, ke bitša Satane go tlogela batheetši ba, ka Leina la Jesu Kriste, etšwa mo go batho ba, gomme ba lokologe.

¹³¹ Bohle bao ba amogelago phodišo ya bona godimo ga Lentšu leo le ngwadilwego, dirang bohlatse ka go ema ka maoto a lena mme le re, “Nna bjale ke amogela phodišo ya ka ka Leina la Jesu Kriste.” Emang ka maoto.

Tumišo a e ye go Modimo! Ke lena bao. Hlokomelang mo, tša digole mme le dilo di a emelela. Tumišo a e ye go Modimo. Seo ke yona. E no dumela. O mo. A go makatša bjang!

¹³² Ntle kua batheetšing, ka kua ntle, ke megala, le tla bona! Ke nagana gore batho ka moka ka mo, bokgole bjoo ke bo tsebago, goba bontši bja bona, ba eme ka maoto nakong ye. Oo, a nako ye e makatšago! Bogona bja Morena, seo ke eng! “Mowe Bogona bja Morena bo lego, go na le go tlemologa, go na le tokologo.” Moya wa Modimo o a re lokolla.

¹³³ Bjale ka ge a re fodišitše, re a e dumela. O re bolokile; re a e dumela. Bao ba ratago go kolobetšwa, meetse a lokile. Nako efe kapa efe, iri efe yeo o ratago go tla, go tla be go na le yo mongwe yeo a tla go thušago.

Gomme bjale ke a nagana, pele re tswalela, re swanelwa go opela pina ya kgale ya Kereke. “Ke A mo rata, Ke A mo rata ka gobane A nthatile pele.” Emiša matsogo a rena go Modimo mme re e opele ka dipelo tša rena ka moka!

Re rata go kopana le wena mo mesong, ka seripa gare go tšwa iring ya senyane, gona mo moagong wo, mo temanatherong ya *Lenyalo le Tlhalo*. Tšohle di lokile.

A re e opeleng ka moka mmogo.

Ke a Mo rata,

A ke bathaeletši ba bantši ba ba opele yeo bjale! Kgole kua megaleng, e opeleng, le lena.

Ka gobane O nthatile pele
Gomme o rekile phološo ya ka
Kua koteng ya sefapano.

¹³⁴ Naa e dirilwe kae? Koteng ya sefapano. Ge re opela gape, ke rata gore le swarane ka matsogo le yeo a lego kgauswi le wena, o re, “Modimo a go šegofatše, mofiti.”

Nna . . .

[Ngwanešo Branham o swarana le baena ka matsogo—Mogatiši]

Ka gobane O pele . . .
Gomme o rekile phološo ya ka
Kua . . .

¹³⁵ Oo, naa le a Mo rata? [Phuthego e re, “Amene.”—Mogatši] Naa ga se wa go Makatša? [“Amene.”] Naa ke Yena e le go lefelo la gago la Kutamo? [“Amene.”] Ke Yena Leswika mowe nageng ye e lapilego, Setšhirelo ka nako ya ledimo, Setšhabelo se nnoši seo ke se tsebago. Ka fao:

Tumelo ya ka e lebeletše go Wena,
Wena Kwana ya Khalibari,
Mophološi yo Mokgethwa;
Bjale kwa ge ke rapela,
Tloša molato waka ka moka,
Ntire gore go tloga letšatši le
Ke be wa Gago ka go felela!

A re emišeng matsogo a rena re e opeleng.

Tumelo ya ka e lebeletše go Wena,
Wena Kwana ya Khalibari,
O Mophološi yo Mokgethwa;
Bjale kwa ge ke rapela,

Tloša molato waka ka moka,
 Ntire gore go tloga letšatši le
 Ke be wa Gago ka go felela!

A re inamišeng dihlogo tša rena re sa e bobola.

Ge ke sa gata legogwa le lesa la bophelo,
 Mme bohloko go ntikologo bo phatlalala,
 E ba Mohlahli wa ka;
 Botša leswiswi le fetoge letšatši,
 Tloša megokgo ya manyani go nna,
 O se ntese ka lahlega
 Go tloga lehlakoring la Gago.

Le sa inamišitše dihlogo tša lena, moruti wa rena wa go
 ratega, Ngwanešo Orman Neville, o tla phatlalatša batheeletši.



LEFELO LEO LE HLAOTŠWEGO KE MODIMO GO MO DIRELA NST65-0220
 (God's Chosen Place Of Worship)

Molaetša wo o tla ka Ngwanešo William Marrion Branham la mathomo o
 tšweleditšwe ka leleme la seisimane mantšiboa wa Mokibelo la, Feberware 20,
 1965, kua Parkview Junior High School mo Jeffersonville, Indiana, U.S.A., o
 tšerwe go tšwa theiping ya makenete yeo e gatišitšwego mme ya tlanywa ntle le
 go lekodišišwa ka leleme la seisimane. Phetolelo ye ya North Sotho sa Lebowa
 e phatlaladitšwe ka ngwaga wa 2004 ke:

©2004 VGR, ALL RIGHTS RESERVED

VOICE OF GOD RECORDINGS
 P.O. Box 950, JEFFERSONVILLE, INDIANA 47131 U.S.A.

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org